



EPIST.  
OLÆ  
MEDICI-  
NALES  
—  
CARR

1691









Manuscript 16861/A

257 E xvi.2  
17

STANDFAST LIBRARY.

This Book belongs to the Library found=  
ed by Dr. William Standfast, and was  
by


Class *BC.*

No. *179.*

No. of Days

*Maggs (505)  
25/-  
6 Sept. 28*







EPISTOLAE  
MEDICINAE

IMPRIMANTUR

Epistolae Medicinales

Tho. Witherby, Ed. Am. P. 1785  
Coll. Med. Lond.

Pe. Barwick,  
Jo. Elliot,  
Rob. Pitt,  
Job. Barckman,  
Censores.

---

IMPRIMANTUR,  
*Epistolæ Medicinales.*

Tho. Witherly, *Eq. Aur. Praeses*  
*Coll. Med. Lond.*

Pé. Barwick,  
Jo. Elliot,  
Rob. Pitt,  
Joh. Bateman, } *Censores.*

---

## EPISTOLÆ

## MEDICINALES

VARIIIS  
OCCASIONIBUS  
CONSCRIPTÆ.

AUTHORE

RICARDO CARR, M.D.

Et Coll. Reg. Med. Lond.  
Socio.

LONDINI,

Impensis Stafford Anson, ad in-  
signe trium Columbarum in Cœ-  
meterio D. Pauli, 1691.



THE  
MEDICAL  
This Book belongs to the  
Library in the Charity  
School Chamber in  
Nottingham given by Dr.  
William Steadfast



m. o

# CELEBERRIMO

Medicorum Londinensium

COLLEGIO REGALI

H A S

*EPISTOLAS MEDICINALES*

Observantiæ & gratitudinis ergo,

Quàm humillimè D. D. D.

RICARDUS CARR.

IN-

THE HISTORY OF

THE CITY OF

NEW-YORK

FROM THE FIRST

SETTLEMENT TO THE PRESENT

STATE OF THE CITY

AND ITS JURISDICTION

BY

---

---

# INDEX

## EPISTOLARUM.

### EPIST. I.

**D**E frequenti Pulveris Ster-  
nutatorii usu, quibus  
noxam asferre, quibus pro-  
desse perhibetur Pag. I

### EPIST. II.

De fumandi consuetudine, qui-  
bus improbanda, quibus &  
approbanda censeatur 16

### EPIST. III.

De Liqueurum in Cossipoliis no-  
stris virtutibus & vitiis 27

EPIST.

# Index Epistolarum.

## EPIST. IV.

*De haustibus matutinis genero-  
rioribus valetudini admodum  
injuriis* 36

## EPIST. V.

*De Aquis Tunbrigiensibus Ne-  
phritico consulendis* 47

## EPIST. VI.

*De Thermis Bathoniensibus uxori  
nondum gravidæ consulendis* 59

## EPIST. VII.

*Num Matris vel Nutricis lacte  
commodius aletur infans* 68

EPIST.



# **Index Epistolarum.**

## **EPIST. VIII.**

*Num Tabido iter Monspeliense  
suaderem : in tabe fontanella-  
rum usus examinatur* 83

## **EPIST. IX.**

*De Capillitij usu, num confert  
sedandis Capitis doloribus ?* 98

## **EPIST. X.**

*De Hemorrhoidum fluxu, quib-  
us salutare audiunt* 109

## **EPIST. XI.**

*De alvo astrictâ, quo pacto  
contrahitur & qualem mede-  
lam exigit* 119

## **EPIST.**

# Index Epistolarum.

## EPIST. XII.

*Num graviditas ex inspectione  
Urinæ prædici queat ?* 129

## EPIST. XIII.

*De Virginis cujusdam Gallicæ  
triginta & quinque septima-  
nis ab omni cibo potuque ab-  
stinentiâ* 140

## EPIST. XIV.

*De Strumarum ratione, quibus  
sanandis Contactus Regius  
celebratur* 152

## EPIST. XV.

*Num semel per mensem inebriari  
valetudini conducit ?* 159

EPIST.



# Index Epistolarum.

## EPIST. XVI.

*De Monialibus duabus Romanis  
sexum suum immutâsse dictis*  
168

## EPIST. XVII.

*Cui lectum incœnatum petere con-  
ducat, cui contrarium sua-  
derem*  
179

## EPIST. XVIII.

*Quot horis dormire licebit*  
191

---

Nusquam

---

**N**usquam mihi ortum est  
cum aliquo dissidium  
propter opinionum discrepantiam,  
nec inimicitiae susceptæ, quod  
mecum in iis non sentiret, à qui-  
bus forsan paulo post & ipse  
dissensurus sum.

Browne Relig. Med.

---

---

EPISTOLÆ MEDICINALES  
Variis Occasionibus  
CONSCRIPTÆ.

---

EPISTOLA I.

*De frequenti Pulveris Sternutatorii usu; quibus noxam asferre, quibus prodesse, perhibetur.*

*Vir Illustris,*

**L**Iteras quas dedit vestra Dominatio, non ita pridem accepi, multumque debeo humanitati vestræ qua plurimum devinctus sum.

Quod ad mandata vestra spectat, ut paucis aperiā, An frequens Erhinorum usus prodesse omnibus censendus est; vel quod me huic minus favere conjectura assequitur

B

Vestra

## *De usu Pulveris*

Vestra Dominatio, rogat & imperat ut quibus in casibus officeret valedudini ex rationum momentis, ex Oeconomia animali petendis, literis tradam, etiamsi rei difficultas, aleæque plenum opus jure merito absterreret, fatendum tamen est me malle Dominationi vestræ obsequi, licet ad istiusmodi provinciam suscipiendam minus idoneum (tanta est imperii vestri in me facundia) quam excusationem parare, licet justissimam.

Mirari subest, quibus illecebris stimulantur viri (nondum enim istius consuetudinis contagium sexum alterum infecit) ad Sternutatorii Pulveris usum toties subinde repetendum, vicinis præcipuè aliquot regionibus, quibus minus solennis est fumandi usus, ut vix aut ne vix desinunt inter sacra huic consuetudini immolare; si quemcunque invisit, quam officiosissime, porrecta pyxide, quasi ad epulas invitat; inter peregrinantium coetus, si te hujusce Pulveris fastidium capit, parum aberit quin hæreticus censeris; famem



famem sitimque minus ægre tolerantes, quam hujusce Pulveris inopiam; quæcunque demum gulæ & palati blandimenta studebat Epicureorum secta, comparatione titillationis insufflatum Pulverem insequentis instituta, vel illius emungendi voluptatem (si mores sunt rerum indices) flocci æstimanda sunt.

Sed ut redeam ad jussa vestra, Peritè monet Vir Illustris rationes medicas illas certissimas futuras, quæ structura corporis humani fulciuntur. Multum itaque debeo Clarissimo *Sneidero*, Professori Anatomies in Germania celeberrimo, qui tractatu suo de Osse Cribriformi (quem indubie instructissima vestra bibliotheca suppeditaverit) ad purgandum caput, quod omnium in ore versatur, irritum ptarmicorum usum certa experimentorum serie demonstravit; mallet itaque ut apud Autorem hæc legat vestra Dominatio, quam ut hic loci sigillatim recenserem; monere tantum sufficiat *Os cribriforme esse imper-*  
B 2
vium,

vium, sic nullatenus transmittendis  
è cerebro humoribus aptum natum  
deprehendi.

*Willij. Cerebr. Anatom.*  
*p. 144.*

Sed objicit Vir Illustris serosæ  
Colluviei intra Cerebri Confinia  
contentæ exitum denegare, nihil a-  
liud est quam cujusque Cerebrum  
vipera gravidum asserere, cui qui-  
dem partus nisi per exesâ parentis  
viscera minime concedatur.

Responsum est obvium, quod  
exitus humoribus cerebri sublatis  
impedimentis semper patulus, via  
scilicet Regia est per Venas Jugu-  
lares, uti ex accuratissimis experi-  
mentis celeberrimi *Loweri* luculen-  
ter constat.

Quod ad alteram objectionem,  
Quod impossibile est cognitu utrum  
os cribriforme humoribus extra-  
vasatis impervium est nec ne, dum  
enim inter vivos sumus nulla est  
experiundi copia, in defunctis par-  
tes subsident & collabuntur, dum  
durante animalis vita dehiscunt  
quasi & dilatantur; sic à defunctis  
ad vivos non valet consequentiâ.

Tanti

Tanti viri pace, sequitur in cadavere tam molis carneæ quam vasorum subsidientia, per consequens foramina illa os Cribriforme perforantia ampliori hiatu patefcerent, dum vasa idem perreptantia subsident & angustantur; & sic è contrario humoribus ab intus ad extra facilior exitus concederetur.

Porrò vasa illa os cribriforme perforantia nobiliori cuidam usui destinantur quam collicias esse colluviei Serosæ, fibræ & filamenta in narium cavernas dilatæ & membranæ vel inferuntur vel constituunt, motui & sensui inserviunt, & quis non opinabitur olfactum admodum lædi, modò vasa huic inservientia cloacam cerebri constituerent.

Sed dari vasa Lymphatica externum cerebri ambitum perreptantia hisce oculis vidi, in cadavere in nosocomio Lugduni Batavorum intensissimo brumali gelu, anno octogesimo tertio, dissectore Professore *Schaftio* Medico exercitatissimo, qui viva voce sæpe idem testatus est. Facile adducar ut credam hujusce



gelu ope vasa hæc conspicienda fuerunt, quæ aliis temporibus incassum exploravimus, nec mirum, istiusmodi enim tenuia & exilia vasa quam citissimè subsident, nisi gelu constricta tali, quale nemo mortalium unquam viderat. Quæ vascula ossis cribriformis foramina perreptantia fibras & filamentea nervea comitantur & ( modo indultum esset conjecturæ arbitrium ) illarum humectationi inserviunt, quo pacto vasorum nerveorum ductilitas & obsequium ad exquisitum hunc sensum tam necessaria horum madore perstat, quæ aliàs hujus irrigui madoris expertia, citò exarescerent, quod externo aeri jugiter exponuntur ; sic sensus vel admodum labefactaretur, vel penitus periret, hanc opinionem confirmat quotidiana observatio, quod qui frequenti Errhinorum usu fascinantur, olfactum statim perdunt, vasculis illis madorem illum suppeditantibus penitus exsuccis.

Qui Pulvere Sternutatorio subinde utitur, nunquam sternutat, excantur & coalescunt vascula frequenti

quenti nimis decursu, flaccescunt fibræ, sic motum iis impressum communicare non valent, tenerrima illa membrana narium cavernas investiens quasi callum contrahit frequenti nimis irritatione, & licet millies provocatur obsurdescit.

Veniam, Vir Illustris, quam humillimè rogo, quod tamdiù harum partium structuræ insistebam, cui notiora sunt hæc omnia, quam ut inculcare expediat.

Vehementissima illa expiratio altissimam inspirationem succedens quæ Sternutatio dicitur, levissima intra nares irritatione provocatur, per communicationem nervulorum narium cum iis in nervos diaphragmatis & abdominis discurrentibus, qui sic subito convulsi, faciunt subitam & violentam aeris exclusionem.

Sonus auditur quod os non sufficit ad aerem sat citò emittendum, sed per foramen ori & naribus commune erumpens, quâ datâ portâ, & ad ejus præ copia parietes allidens, sonum excitat.

Aspectu solis sternutamus, acriori lymphæ intra narium cavernulas inclusa rarefactionem quandam subeunte, & nervulorum fibrillas quasi aculeis exagitante.

Sternutatio supervenit modo nos intempestivè denudamus, quo pacto fit præcipitatio feri acris, cujus feri falsedo idem efficit.

Sternutatio quibusdam inter morbos recensetur, neque levem molestiam faceffit, modò tanta frequentia obtingit, quod lymphæ tam fixa acredine saturatur, ut suum nequit absolvere circulum, quin sui subinde fixioris genii irritando vestigia relinquit.

Ptarmicorum usus in morbis pectoris minus tutus perhibetur, pleuritidem & peripneumoniam accersant potius quàm medentur, hæmoptoicis interitum minantur, pulmonum vomica laborantibus accelerant mortem, cystis enim illæ quæ quiete & indulgentia diù intus contenta asservaverit & inducias dedit, tam violento corporis motu sæpe media crepat, sic pus effluit,  
&

& æger statim suffocatur. Eodem nomine plethoricis, asthmaticis & carnosioribus minùs convenire comperta sunt.

Oculorum imbecillitatibus, Opthalmia, Epiphora, hebetudine visus, suspecta sunt Errhina, ne forte fortuna plus excuterent quam alibi derivetur. Refert *Hildanus* virum ex frequentiori usu cœcum redditum. Quoties tamen Sternutandi occasionem præbet Natura ipsa nullis Ptarmicorum suppetiis laceffita, nequam fricatis oculis aut pressis naribus coercenda est, sed grato & lubenti animo excipienda.

Qui proclives sunt in Hæmorrhagias quascunque fugiant Sternutatoriorum usum, ne illa corporis concussione vasa dehiscerent, & quasi ruptis claustris & repagulis impetuosius effluat sanguis, quam omni Apollinea arte sumus cohibendo, inde anceps ipsis Apoplecticis, quia ex violento Sternutamento sanguis aliquando erumpit ex vasis externis, quidni & internis, omnibus quæ nimium menstruorum fluxum patientibus



entibus idem inculcarem, nisi illarum prudentia horum usum repudiaverat, & gravidis ne abortus inde subsequeretur. Hydropicis demùm quorum vasculorum teneritudo quàm facillimè rumpatur.

Vertigini obnoxius cavere debet, quod prædicti Pulveris frequentia exacerbat malum, post tantam corporis concussionem magis in gyrum vertuntur Spiritus, neque leve est convulsionibus assuescere caput, præsertim junioribus, ne tandem aliquando accerseat Epilepsia.

Herniosus demùm præ cæteris cavere debet ad Ptarmicorum usum evitandum, docet enim Oeconomia animalis post altissimam inspirationem Sternutandi prodromum, Diaphragma immodicè deprimitur, qua Diaphragmatis depressione, infimi ventris contenta petunt inferna, sic necessario sequitur vel ulterior ruptio vel ampliatio, unde immodica scroti intumescencia, experientia idem confirmat, quod spiritus retentio, qua diaphragma planam figuram nanciscitur, haud infrequens Herniæ causa

causa perhibetur. Ex quo malum oriatur, ex illo admodum ingra-vescit. Vehementissima demùm illa expiratio processui peritonæi vim infert.

Sed objiciat vir Illustris si Sternu-tandi usus minus salubris audit, qui fieri potest quod in morbis ma-lignis dictis, rebus omnibus despe-ratis, salutem prænunciet, & si pro-vocata non supervenit, lethale fi-gnum judicatur.

Primo, Prioris assertionis veritas in dubium vocanda est, quosdam enim morbis malignis non obstante Sternutamento animam efflasse no-tum est. Imo memorant tam Me-dicorum quam historicorum Monu-menta, pestem morbum scilicet summè malignum tempestate *Gre-gorii Magni* immaniter grassantem, sternuentibus nusquam non exiti-osam.

Sed secundo, Natura nullam isti-usmodi Crisin iis molitur, qui con-tinuò fortiorum Ptarmicorum usui sese assuefiunt (& gradatim ad for-tissima deveniunt) vasa prius me-morata

morata adeò exaruerint, & membrana adeò occalluit, ut neque lymphæ suppeditanda est, vel si suppeditetur, fibrillæ narium omnibus illius aculeis immorigeras se præberent.

Hoc tantum in illius gratiam dici potest, quod laudabile signum est tam desperatis casibus, morbis scilicet malignis, ubi semper summa est virium prostratio, nervos sentire, & sat spirituum ad explosionem illam obeundam, eo pacto si provocata non supervenit, lethale signum judicatur insuetis, quòd indicat musculos & nervos non amplius sentire, sed esse flaccidos, nec Spiritibus distentos.

Etiam si, Vir Illustris, frequentem illum Sternutandi usum admodum improbo, & prædictis affectibus damno, nolo tamen omnem Ptarmicorum usum repudiare, sed proficua futura sequentibus casibus tam ratio dicat quam experientia suffragatur, modò urgente necessitate tantum usurpantur.

Nemo non expertus est in capitis  
gravedine



gravedine post Ptarmicorum usum  
solamen percipi, adaperis vasculo-  
rum colliciis, capitisque dolores  
subinde solvi, obstructiunculis ex  
violenta illa corporis concussione  
reſeratis, eodem nomine aurium  
tinnitum, singultum, affectus sopo-  
rosos, insultum quandoque Epile-  
pticum fugat.

Hystericis passionibus, partu dif-  
ficili, fœtu mortuo vel ſecundinis  
exturbandis, ſexui altero plurimum  
conducit.

Sed averſatus ſum frequentem  
ejuſdem medicamenti uſum, quod  
de eſſentia medicamenti eſt ut rariuſ  
uſurpetur, neque Opium prodiga  
quadam doſi ſæpiuſ exhibitum con-  
ciliat Somnum, nec venenum ip-  
ſum *Mithridatem* interficiet, modo  
toties repetatur. Spes demum  
omnis excidit alicujus emolumenti  
comparandi quando occaſio poſtulat,  
ſi nulla urgente neceſſitate familiaris  
ſit uſus.

Aliud verò conſulendum ſuper eſt,  
ut fortiſſimorum Pulverum uſu Vir  
Illuſtris abſtinere dignaretur, ut  
Euphorbium,

Euphorbium, Pyrethrum & Helleborum penitus evitaret, potius (quod istiusmodi medicamenta nequeunt esse nimis simplicia) rosis tantum rubris in subtilissimum Pulverem redactis provocetur, quæ omnibus Ptarmicorum usibus intervenient, & absque violentia.

Nolo Dominationem vestram gravare consiliis, quid inter, ante, & post Sternutationem exigatur, & quid ominari retulerunt Veteres, Medicina suas habet superstitiones, ut Relligio suas.

Mos Salutandi Sternutantes quam primùm increbuit vestram in historicis peritiam neutiquam latet, æram longè antiquiorem obtinuit tempestate *Gregorii Magni* qua Romæ sæviebat pestis Sternutantibus exitiosa quod commemorat *Apuleius*. Qui trecentis non minùs annis ante Gregorium scripsit, consuetudinem ergò Sternutamenta venerandi antiquiorem esse, quam ut à Gregoriana memoria emanavit, in exteris regionibus tam reformatis quam reformandis eadem veneratione

tione salutandi consuetudo etiam-  
nūm invalescit, nec tantum ingenui  
& liberaliter educati, quin & ipsæ  
plebeculæ facies relligiosis hifce offi-  
ciis capiuntur, Sternuenti honorem  
exhibent, fibique & ab aliis exi-  
gunt.

Hæ sunt observatiunculæ, quas  
brevitas temporis, vel ut rectius  
dicam, ingenii tarditas mihi suppe-  
ditavit, quæ etiamfi minùs arri-  
deant iudicio vestro sagaciori, te-  
stentur tamen quantum apud me  
valet autoritas vestra, & quod nihil  
mihi vel ambitiosius quæsitum est,  
vel honoratius iudicabitur, quàm  
palàm me profiteri

*Dominationis Vestrae*

*Observantissimum.*

## EPISTOLA II.

*De fumandi consuetudine ; quibus improbanda, quibus & approbanda censeatur.*

*Domine,*

**V**icinum quendam generosum ingenio & eruditione conspicuum, præ cæteris tibi chariorem, nuper tibi consuluisse ut fumes, novissimis quas dedisti literis me certiore fecisti ; rogas iudicium meum, num illius consilio obtemperares.

Spero, Domine, quod neque ingenio neque eruditioni generosi vicini tui detraxisse videar, modò illius peritiam Medicam minùs deprædicandam censerem ; potest esse vir doctissimus, nec tamen medicus ; potest esse fidissimus amicus, nec tamen consilia sanitatem corporis spectantia (non obstante summo suo bene-



benefaciendi conatu) ritè administrare. Educatio à re medica admodum aliena, dubia & temeraria obtrudere permittat, vel potius coget, nullâ habitâ vel corporis vel impendentium morborum ratione; sed longè saniora docet Studium Medicum, ratione & judicio fultum, rerum usu & multiplici experientia solers, quod neutiquam consilium dederit inconsultâ omnium circumstantiarum ratione, nec nisi corporis habitu prius explorato.

Empiricorum est unum idemque omnibus, nullo discrimine, consulere, quo pacto plures per annum interimunt, quàm febre pereunt.

Medicorum verò patientum salutem invigilantium, juxta necessitatis normam, ex imminentium morborum præludiis, ex corporis habitu, ex crasum molimine metiendam, sua subinde Pharmaca pro hoc ægro & pro hac vice variare, & indicationibus, salvâ conscientia, satisfacere.

Nicotianæ usus aliquot retrò annis admodum increbuit, præcipue in  
C Britannia

Britannia & Inferiori Belgio, præfertim inter nautas & milites, ex nimio fortasse otio : Neque testantur Medicorum observationes, morbos in prædictis locis minus fuisse frequentes, ex quo illius usus invaluit. In Galliis & in Italia rarissimus aut ferè nullus est illius usus, nec plures ibidem loci grassantur morbi.

Sed quod corpus tuum respicit, cui particulatim inservire vocor, ( Vir Egregie ) temperamentum tibi est admodum biliosum ; vel si cum Neotericis loqui liceat, salinum. Hoc testantur quotidiana tua sitis querimonia, oris amaror, vigiliæ nimis importunæ, corporis ardor, pulsûs celeritas, urina flavedine tincta & tenuior, & corporis macies ; quæ Symptomata, nisi acerbiora esse volueris, vulgarem nostrum fumandi usum arcent & inhibent.

Sitis illa, quâ soles torqueri, vera est & genuina, non ex vasculis salivalibus obstructis oriunda, quæ potiùs oris siccitas appelleretur, sed ex Humidi in sanguine defectu, quo copiosius post tubulum exhausto, quod  
solenne

solenne est, malum illud ingra-  
vescere expectes.

Sed respondent Nicotianæ patroni,  
Post tubulum haustum ad pocula  
provocamur; sic foeliciffimè huic  
malo occurratur; huic Humidi de-  
fectui frequentioribus poculis sub-  
veniemus.

Bella oratio. Sed *Primo*, sic tan-  
tum refartis damna quæ inferis,  
dum quod ingurgitas pleniori alveo  
expuas, pavimentum sputo madeat,  
exucco corpore.

Sed *Secundo* pessimam, istam  
consuetudinem induxerit quovis ferè  
momento pitiffare, quò nihil ad  
profternendum appetitum pejus,  
dum fermentum Esurinum dictum  
diluit & enervat, unde exurgat ma-  
lorum Ilias. Nullus dubito quin  
quod sobrius hætenus vixisti, temu-  
lentiam in futurum vitaveris, quod  
difficilius futurum inveneris, cum  
primùm bibendi necessitas, consue-  
tudo, & aliorum frequentior invi-  
ratio ad pocula vocant, dum quasi  
innoxie obambulare patera nondum  
exhaustis tubulis.

Sed *Tertio*, bibaces magis sitiunt quam sobrii, quod in illis solet esse in nervis gulæ & œsophagi major tremoris gradus, quam sobriis, qui tanto potui non assuefiunt; sedes enim sitis non est ventriculus, quod in febribus ardentibus sitis non extinguitur, si bibit urnam; sed nervi gulæ & œsophagi, continuo madore irrigandi; sic illarum partium nervis certus quidam & assuetus motus imprimitur, cui Anima assuescit, quo assueto motu cessante Idea sitis excitatur.

Fatendum est, quod pituitosis & ferosis Nicotianæ usus sitim non accersit; è contrario fœliciter iis cedit, dum uberionem feri proventum inhibet, pituitam, *i. e.* serum coagulatum, è nido suo deturbat, & si frigore tentantur, calore fovet: sed longè diversa postulat casus tuus, *i. e.* temperies tua biliosa. Vestalis focus tuus istiusmodi pabulo nequaquam indiget, potius flabello opus est, ne nimium micaret.

Sed alio nomine culpandus venerit Nicotianæ usus, respectu funesti  
admodum



admodum morbi tibi impendentis ; nondum elapsam est biennium ex quo insultus cujusdam Apoplectici infœlix quoddam præludium sensit ; & quod mihi suspicionem istius morbi ingruentis auget, patre Apoplectico natus es. Huic morbo hanc herbam Indicam insensam esse quis non judicaverit ? Experimenta constat, Apoplexiam inter Nicotianæ usum sæpissimè invadere, quod etiam testatur Celeberrimus *Deckerus*.

Ex sapore acri & pingui, ex odore viroso narcotico hujus herbæ, usus illius neutiquam Paralyticis consulendus, sed Opii instar evitandus. Nervis demùm infestam, & per consequentiam nervinis morbis exitiosam profiteri licet.

Nonnulli ad famem stimulandam ante prandium fumare assuescunt, alii post prandium ad Concoctionem promovendam, sed tam laudabili proposito rarissimè inservit ; forsàn phlegmaticis & frigidioribus aliquantulum conferat, sed ea lege, ut illo tantum tempore uterentur,

C 3      observare

observare licet, ex fena per diem fumifuctione vix vicesimus quisque est, cujus appetitus non dejicitur & languet; ex dena fumifuctione penitus aboletur.

Sed ut verbo expediam; temperamentis vel morbis salinis hanc fumandi consuetudinem admodum improbandam censeo; temperamentis verò & morbis pituitosis, illius usus aliquantulum indulgeatur.

Hujusce herbæ masticationem, quibusdam familiarem, minùs approbandam censeo; pulmonibus præcipuè calidioribus, quòd acerrimo sale scatet; si vel portiunculam per foramen cutis serpentum, viperarum, & hujusmodi animalium intrudis, necem inferet; si illius olei phiolam paulisper ad nares admoves, vomitum concitaverit; vereor profectò, Domine, (forsan cautionem hanc nimiam esse opinaberis) ne dum Herba illa pleno hiatu excipitur, & diuturnius mediantibus oris organis circumrotatur, vel minima illius succi portiuncula per conniventis Epiglottidis rimulam quandoque

quandoque dehiscentem, viam admodum lubricam, discensum facilem dilabatur, quo pacto tenuissimæ pulmonum pelliculæ tam acri & ingrato hospite citius corrodamur, quam per fumisuctionem mediante tubulo quasi è longinquo petitam, illa ipsa tamen assidua fumisuctio dentium phalanges, corpora admodum dura & polita nigredine inficit, camini æmulâ, tandemque erodit, ut vix millesimus quisque est, cui post assiduam & diuturniorem fumandi usum, dentium nitor & numerus constiterit.

Si quis morbus malignus, aut pestilentialis Epidemicè grassatur, fumisuctionem perutilem fuisse experientiâ constat Clarissimi *Diemerbroechii*, tractatu suo de Peste, qui pro primario præservativo in Peste semper habuit, dum sit melioris notæ Tabacum, ex maturioribus foliis in funes coactum, *Cujus ope Dei gratia ab illius morbi contagio se plurimosque alios immunes custodivit.* Sed illius usum postea, elapsa peste, in totum dereliquit, nolens naturam

suam ei nimis assuescere, ne tandem laudabilem usum in detestandum abusum converteret, quemadmodum hodiè in plerisque fieri videmus.

Si quis maxillarum tumoribus circa collum obnoxius est, Tabaci usum primo adventu suadeo, experientiâ edoctus, post fumisuctionem tumores istos disparuisse, & intermisso Tabaci usu de novo propullulasse, & dein repetito illius usu statim evanuisse, colliciis in os desinentibus adapertis; acrimonia enim illa quæ in fumo esseprehenditur, titillando & irritando glandulas in ore ad uberiores humorum profusionem invitat; si quis itaque copiosa sputi rejectione molestatur, in perpetuum huic Herbae valedicere consulendus.

In sedandis dentium doloribus, in uteri strangulatu, in oculorum affectibus nimio sero turgidis ad paroxysmum Asthmaticum cohibendum egregie confert; sed observatu dignum est, quod non nisi insuetis auxiliabitur; si quid itaque emolumenti



emolumenti exposcis ex Peti usu, usum illius quotidianum fuge. *Ca-  
vendum enim est ne in secunda va-  
letudine adversæ præsidia consuman-  
tur.*

Pauci sunt qui in fumandi con-  
suetudinis gratiam probas tantum  
& politicas rationes urgent, & sibi  
plaudunt, quorum vel specioso ob-  
tentui obsistere non est hujus insti-  
tuti: è contrario justissima sanè  
ratio visa est, modò virtuti ministrat,  
talisque socius plenis ulnis ample-  
ctendus.

Domine, si literas meas genio  
tuo accommodassem, forsan melius  
tibi placuissem; sed amicitix &  
medicinæ ratio contrarium jubet.  
(Facile mihi persuadeo generosum  
vicinum tuum in eandem penitus  
iturum sententiam, nisi aliter sen-  
ferit, quod suspicari nefas est, ne  
errasse videretur.) Non est cor-  
dati Medici consilium suum animi  
genio minus ritè formato, sed cor-  
poris saluti, accommodare; non  
phantasiæ obsequi absurda vel mi-  
nus salutaria petenti (hoc adula-  
tionem

tionem redoleret summè detestandam;) sed ne quid mali ingruet fideliter monere; non quod gratum est, sed quod proficuum, porrigere, quo pacto sperare liceat, conatum Medicum summò rerum Moderatori placere, Conscientiæ satisfacere, ægrotantibus subvenire, quibus nihil carius habendum est

*Humillimo Servo.*

EPI-

## EPISTOLA III.

*De liquorum in Cossipoliis nostris  
virtutibus & vitiis.*

*Dignissime Vir,*

**Q**UOD prudentis est valetudinem suam curare exemplo tuo doces; neminemque hominem foeliciori successu hanc curam exercuisse, tibi gratulor: Provectior ætas, quæ aliorum vires atterit, & rugis frontem exarat, novum tibi robur addidit & venustatem; adeo ut tibi obtigisse videtur rara illa humanæ vitæ conditio, Quod vivis, neque ad senectam vergis; & ne in minimis peccares, rogas judicium Medicum, quis liquor (nam miræ hodiè varietas est) maximè proficiat, vel potius minus noceat, quodd ad Cossipolia subinde vocaris, vel ad negotia quædam peragenda, vel ad alenda hominum **Commertia.**

Apud

Apud Orientales in familiari admodum usu sunt hi liquores, quibus valdè conducere viderentur; udae enim illa & laeta perspiratio, calidioribus regionibus communis, nequaquam inhibenda est; tali potius sorbitione sustentari oportet. Pari jure post violentius quoddam exercitium, ambulationem aut equitationem citatiorem, calidis hisce sorbitionibus liberius indulgeas, quo pacto perspiratio manat è toto corpore, nec nisi paulatim, testudineo quasi passu, tandem aliquando se remiserit; sic omni suscipiendo frigori quam optimè occurras, & parum aut nihil intersit quemcunque liquorem assumis, modò calidum, quod mediante tantum calore huic usui inservit.

Primo, *Liquor COFFEE dictus*, modò debita pulveris dosi imprægnatur, modò benè defæcatus, nec vetustate evanuit, neque iners, torpidus, aut effoetus audiat, ut generosis liquoribus minùs assueti facile percipiunt, quin potius inter liquores blandè volatiles locum sibi jure vendicaret. Ven-



Ventriculo frigido, crassis viscosisque humoribus colligendis prono, optimè inserviat, & haud secus ac amariuscula Stomachicum vocetur, quòd incidit & attenuat, quo pacto ad crapulam præveniendam egregium sibi nomen comparavit, sed biliosis valdè nocebit.

Somnum arcet, consequenter diu in sanguine commoratur, & spiritus ministrat, unde Comatosus & Lethargicis utilissimus; quibus verò parciore & brevior somnus esse solet, neutiquam vesperi consulendus.

Obesiores ad macilentiam disponit; istiusmodi enim sales, quorum index est amarities, abradunt & depascuntur; sic macilentis minus congruus liquor.

Mulieres Arabes semper dum fluunt menses hujus decocti ferventis multum paulatim forbillantes eorum evacuationem adjuvant, & quibus suppressi sunt ad provocandum.

Scorbuticis, Cachecticis & Hypochondriacis hunc potum commendant nunnulli; sat tamen virium

rium inesse vix opinor ad contumaces istiusmodi morbos profligandum. Nimis frequens illius usus exiccando nimium est nervis inimicus. Caput illud mortuum in fundis vasculorum subsidens abominandum.

Secundò, Herba *THEE* inter herbas blandè Aromaticas recensenda, iisdem itaque virtutibus imprægnatur, aperiendo & discutiendo vires suas exerit, modicis tantum viribus Naturæ usui magis accommodis.

Primatum obtinet contra Calculum, modò verum est quod gloriantur Chineses, Neminem, viz. apud eos Calculo obnoxium reperiunt ex quo illius usus invaluit. Vias urinarias aperit & Diuresin provocat, omnibus notum est quibus unquam fuit forbillandi copia. Sic Calculo adversari dicatur, quod arenularum globulos in Calculorum pabulum reconditos torrentis ritu abripit & evacuat, præcipuè si infusio fortior est, quæ vel Diabetem timentibus, vel mictum sanguini-

sanguinolentum passis, summa cautione evitanda.

Ad sales è sanguinis gremio evacuandos Diuretica egregiè conferunt; idem testatur urinæ falsedo. Sic morbis à sale nimio oriundis adversari dicatur hæc infusio. Hanc opinionem confirmant Chineses; aiunt enim, quòd nunquam podagra corripuntur; sanguinem hac infusione salibus suis ita orbant, ut tela deficere arbitrantur ad juncturas artuum obsidendas.

Sudores ciet, & sitim levat; sic febrientibus ipsis concedatur, capitisque dolores à ventriculo nimis onusto oriundos hac infusione sublato sæpè novi.

Si quis verò post hujus liquoris sorbitionem intumescientiam in Abdomine senserit, uti aliquando contingit, à copiosiori saltem illius usu dissuadendus.

Jejuni mane exeunt quamplurimi absque vel minima alicujus incommodi suspicione, tanta est consuetudinis vis. Sin verò, Domine, aer morbidus est, vel cælum humidius,

humidius, vel summa hominum frequentia circumfusus esse debes, priusquam egrederis cyathum unum & alterum hauriendum confulo.

Hanc verò infusionem faccaro edulcoratam minus probo, salis fixi miscela cum spiritu volatili huius liquoris, illius virtutes admodum imminuit, sin minus penitus auferat.

E duobus hisce liquoribus unà commixtis, & idiomate nostro *TWIST* dictis, si nihil boni emergit, nihil mali reformides.

Tertium tantum locum occupaverit *SALVIA*, quod peregrinis humani esse volumus; profiteri tamen audeo, modò tanti constitit, & tam longinquis oris nobis advecta fuisset, nisi præ modestia recusaverat, primum sibi locum vendicasset.

Summæ utilitatis est hæc Herba, ubi herbis Aromaticis opus est. Calefacit, Domine, neque ardor supervenit; discutit, nec virium lapsum pertimescas; aperit demùm absque omni impetu & violentia.

Hoc



Hoc sibi peculiare reservavit, quod nullis nocebit. Aromatica quòd valdè exiccant copiosiori quantitate epota sunt nervis minus amica: *SALVIA* verò minor acuta etiam si Aromatica, habet tamen indolem balsamicam adeo admixtam, ut istud incommodi declinetur.

In morbis admodum acutis, febribus quibuscunque ardentibus tutè ejus usus concedatur. Morbis purulentam aliquam materiam è sanguinis gremio amolientibus, uti in variolis & morbillis sub forma posseti foelicissimè uti solet, quod talem eruptionem non tantum provocat, verùm etiam foeliciter sustentat.

Versiculus tamen iste nec rythmo nec ratione celebris,

*Cur morieris homo cui SALVIA  
crescit in horto?*

Quartò, Sin minus arrident hæc simplicia, compositionem quandam *CHOCOLATAM* dictam tibi exhibent, non alimenti generosioris

D                      tantum,

tantum, quinetiam & medicamenti titulo cohonestatam; palato optimè blanditur sua dulcedine, & modo rite conficitur, valdè nutrit; tibi verò, Domine, quod pinguior es & nimium anhelus, non absque injuriâ consulenda.

Sin ades Cossipolia nostra, Domine, tanquam valetudinis officinas, & liquores illos medicamentorum vicem supplere tibi postulas, medicamenti instar, *i. e.* rarius usurpandi, unum itaque eundemque liquorem semper forbillare non erit consultum, quin potius alternis vicibus variandi, hoc pacto quando usus exigit tibi prodesse, cum efficaciam tollet frequentia.

Valetudini tuæ, Domine, multò melius prospicias, modò tempus, hisce sorbitionibus deditum, aliò teris. Cogit hic usus vitam nimis sedentariam, Chronicorum morborum parentem. Fumoso Cossipolio delitescere noli, cum foras in agris ambulare, & sub dio versari & Sol & Cælum invitant; ventilandus potius est sanguis, nimio otio torpidus,

pidus, horis diurnis, exercitiis in aperto aere constitutis; sic quando advesperascit, innocuum illud temporis dispendium admittatur.

Quòd natura hominum novitatis avida est, apud has tam rerum gestarum quam gerendarum officinas animum tuum expleas & satiaries. Unde tanta est istarum ædium frequentia, ut conjecturam, hanc facerem, ubi unus ad valetudinem curandam eò contendit, centum vel ad nova audienda vel ad nova spargenda illic conveniunt. Nosti probè me domos illas crebriùs frequentasse, ut consuetudine tua frui liceret, cui sum

*Conjunctissimus.*

D 2

EPI-

## EPISTOLA IV.

*De haustibus matutinis generosioribus valetudini admodum injuriis.*

*Veneranda Domina,*

**F**ilium tuum natu maximum haustibus suis matutinis etiamnum indulgere plurimum doleo: post valetudinem nuper admodum perditam & profligatam, nec nisi ægerrimè instauratam, sperabam eum tandem aliquando cautius sibi prospicere voluisse; sin minus ad aliud vitæ institutum invitasset tam famæ suæ & existimationis, quam sanitatis ratio; officium tamen tam piæ tam venerandæ matri præstandum provocasset. Unus sum ex illorum Medicorum numero (si aperte loqui liceat) quibus longè gratius est provinciam Medicam declinare, ubi nulla benefaciendi spes



spes superest, quam repetitis, licet munificentissimis soltris incassum exercere, medico plusquam humano opus est ei benefacere, qui præceptis monitisque omnium repudiatis sibi malefacere studet. Sed nihil tam illustri Dominae denegandum est; tam spectabili tum pietatis tum pulchritudinis exemplo obtemperare nemo unquam recusaverit.

Rogas, Domina, ut quamprimum literis monerem, quos morbos accersit hæc matutina indulgentia, ut frequenti impendentium morborum mentione, illius animum terreres. Utinam tam laudabile propositum finem suum obtineret.

Nullus morbus est cui obnoxium est humanum genus, quin pessimæ istius consuetudinis soboles audiat. Nonnullos ille ipse est perpeffus, reliquos propediem imminentes expectet, nisi festinata mors statim prævenit. Ventriculo cibis vacuo ingurgitare, appetitum proflernit, concoctiones lædit, secretionem inhibet, sic Schirrhus, Scorbutum,

butum, Icterus, Hydropem inducit.

Peracta in ventriculo tragœdia, visceribus bella intestina ciet, fluxus ventris, dolores colicos, passionem Iliacam, morbum Chole-ram, Dysenteriam, flatus Hypochondriacos accersit.

Post totidem in primis viis incommoda ab intempestiva spirituosorum liquorum indulgentia oriunda, sæpe sanguinem in orgasmum concitat, quo pacto Febres, Erysipelas, Phrenitis, Apoplexia, uno quasi ictu necem inferunt. Sæpe sanguinem prædatur, spiritibus suis orbat, inde Tabes, Cachexia, virium lapsus supervenit, & deliquium animi subinde recurrit.

Vacuis venis commissus generosus liquor pectori admodum est inimicus, quod Asthmata, Pleuritidem, Peripneumoniam & Phthisin jubet; Hæmoptysin verò quasi jus suum sibi vendicat.

Longius serpit hoc malum, ipsisque nervis exitium parat; tum Spasmi, Tremores, Paralysis, Convulsiones,

vulssiones, motus Epileptici hujus imprudentiæ conscium sæpissimè invadunt.

Artuum demum impotentia, podagra, gonagra & chiragra unà cum rheumatismo inter leviora mala recensentur.

Fatendum est quod non omnibus omnia contingunt hæc mala, sed plurima nemo vitaverit. Vespertina intemperantia idem fecerit, hoc tantum discrimine, quod à matutina vinolentia citiùs invadunt morbi & certius intereunt.

Nec morbos tantum accersit hæc consuetudo, quin, quod pessimum sonat, omnem medelæ spem penitus excludit; quamprimum enim vel levissimus affectus ingruit, & poculis genialibus abstinere coguntur, vires ita deficient, ut instaurari nequeunt generosissimo quovis Cardiaco propinato; crede mihi potius ex defectu virium quam ex sævitia morbi migrabunt ad plures.

Quam præpostera demùm est intemperantia, quò plus bibit eò plus fitit, quò fortioribus liquoribus

se affuescit, eò magis vires concidunt, quò callidioribus utitur, eò magis friget ; sic omnia naturæ legibus præpostera ibunt.

Si quis verò (quod rarissimè contingit) post sceleratissima vitæ stamina, non obstante hoc minùs cauto vivendi usu, vitam protrahit, senectutem tamen immaturè approperat, non venerandam illam canitie & serena gravitate spectabilem, qua nihil mihi speciosius visum est, sed turpem & morbidam, manu tremula, pede labili, memoria infidâ, effœtam & sordidam : Unus tantum mihi notus est in numerosissima hac urbe, cujus matutina vinolentia extremam senectutem passa est, mille aliis ipso juventutis flore tumulo datis.

Quereris filium tuum, Domina, matutinis tantùm haustibus indulgere, queri licet proculdubio & vespertinis; nondum mihi constitit exemplum alicujus mane immodicè bibentis, quin & vesperi ingurgitat nisi vinolento somno sepultus; sic malum malo cumulatus; scire verò



verò eum oportet, modo necessitas bibendi cogit, se posse tutius & diutius Baccho suo immolare vesperi quam mane, Cerevisiam qualemcunque fortiolem potius quam vinum, vinum verò potius quam aquas calidas, mane hauriendum.

Doleo profectò admodum quod eò imprudentiæ ventum est, quod filius tuus pessimæ huic consuetudini plurimum patrociniatur, & hoc pacto appetitum aliàs languentem provocari jactat.

Hoc patrocinium refellere admodum expediat, ne illius veneni contagium filium alterum egregiæ spei juvenem inficeret. Responsum erit multiplex.

10. Quamdiù nobiscum in Collegio nostro commoratus est, & more nostro Academico abstemius vixit, appetitus neutiquam culpandus, sed sæpe animus in patinis fuit; quamprimum verò Londinum accersitus, & deplorandam hanc vivendi normam instituit, quantum mutatus, ipsius cibi nomen fastidium creat, tantillo vescitur, ut vix quicquam comedere

comedere visus est, illum ipsum ergo appello judicem, num tanti infortunii causa, ejusdem infortunii remedium judicetur?

2<sup>o</sup> Quod appetitu optimo fruuntur, qui istiusmodi calcaribus non utuntur. Sobrii sunt maximè famelici. Verum est nunc temporis nisi haustui matutino indulgit, minus cibum appetit; sed si huic consuetudini nunquam litasset, res longè aliter sese habuissent.

3<sup>o</sup> Consuetudo est quasi altera natura, mos ei gerendus, nec à pessima quacunque, nisi gradatim desuescendum est, nolo itaque ut filius tuus uno quasi ictu abstineret, sed paulatim tam qualitate quam quantitate liquorum derelicta, à sextario ad hæminam, ab hæmina ad dimidium, à dimidio ad haustum paulatim desuescat: à Spiritu Vini ad Vinum ipsum, à Vino ad Cerevisiam generosiores, à generosiori ad mitiorem gradatim recedat. (Nequaquam arcendus est à poculis cerevisiariis sitim dementibus & jentaculum comitantibus.) Sic

con-

consuetudinis cujuscunque incommoda tutissimè præveniantur ; sed in posterum caveat, quas consuetudines contraxerit sanitatem spectantes, reclamantibus medicis.

Sed 2o filius tuus aureos sibi montes pollicetur ex vomitu post pleniora pocula subinde superveniente, & quasi per modum criseos morborum mineram eliminante.

Quantum hoc abludit à vero experientia sua testaretur, ex quo enim istarum Crisium frequentia invasit valetudinem minùs integram & ingravescentem animadverteret ; non est molimen Criticum naturæ nutui obsecundans ad peccantem quemlibet humorem foras eliminandum, sed symptomaticum à ventriculo cibo vinoque onusto oriundum, ei que supervenit, ut novum & peregrinum hospitem præ foribus adstantem ejusdem genii & indolis vicissim exciperet, locumq; concedat ; sic clavus clavum pellit.

Tandem filius tuus haud facile adduci potest ut credat, haustus matutinos generosiores officere valetudini,

tudini, quod medici ipsi & celeberrimi hac in re pariter indulgent, quod detrectarent indubiè modò sanitati obesse vel suspicaretur.

Si qui dantur medici huic usui indulgentes, ejusdem, vel potius magis criminosa imprudentiæ postulandi sunt, dum meliora vident probantque, sed deteriora sequuntur. Neque eo nomine celeberrimi audiunt, nec ejusdem cum aliis imprudentiæ conscium deprehendi, vel crimen vel pœnam minuit.

Facile mihi persuadeo, Domina, modò filius tuus pessimum illius morem aliquantulum intermitteret, ut cogitandi locus concedatur, quem vini ingurgitatio manè sumpta modo penitus excludit, hoc ratiocinium invito eo assensum fidemque coget.

Sed neutiquam monendus est filius dum incalescit, sunt molliora consulendi tempora, post indulgentiam somno fugatam, consilium & acutius feriet, & altiora vestigia relinquet.



Aurora musis amica, & etiam-  
num hæreo, num deterior est, fa-  
nitatis jactura, an temporis dispen-  
dium, τὸ πολυτέλειον ἀνάλωμα, Theo-  
phraſto judice, præcipuè cum à  
teneris annis tam egregiam futuræ  
eruditionis & judicii ſpem dedit;  
quanta demum de illo concepimus  
omnes tacere cogor, ne maternum  
animum tam altè filii ſui bonis in-  
vigilantem acerbiori ictu vulne-  
rare.

Si filius tuus patrimonio paterno  
opulentus faſtidit literas, quavis  
exercitatione ludoque campeſtri ute-  
tur, multo mane expergifci, foras  
prodire, venatui indulgere addiſcat,  
& fatigetur; juventutis enim flore  
fermentationibus admodum inva-  
leſcentibus fræno potiùs quam cal-  
cari opuseſt. Tum laſſus domum  
repetens accumbet menſæ non quaſi  
invito, & ut olim quæſtus eſt, præ-  
maturis horis, non Embammate  
opus erit ab extremis Indiæ oris al-  
lato, ad ſtimulum ipſius *Apitii* nato,  
fames ei erit optimum condimen-  
tum.

Vereor

Vereor hæc incassum dicta, quòd  
*etas prima post tincturam voluptatis*  
*agre alium colorem bibit*, testentur  
 tamen propensum meum erga te  
 animum, & ad omne obsequium  
 tuum paratissimum, nunquam de-  
 finam pietatem & virtutes tuas sus-  
 picere & venerari.

*Venerabundus tui Cultor.*

EPI-

## EPISTOLA V.

*De Aquis Tunbrigienſibus Nephritico conſulendis.**Celeberrime Vir,*

**D**Oleo admodum me abſuiſſe ab urbe, cùm nuper me inviſere dignatus es. Relictas verò literas ſtatim poſt reditum ſervus tradidit, quibus jubes conſilium meum, num Aquæ Tunbrigienſes tibi proficuæ cenſendæ ſunt, cùm Nephriticis doloribus es admodum obnoxius, ſed cætera ſaniſſimus. Quas ſi modò ſuaderem (quod opinaris) rogas dein qua methodo, quibus præparationibus priùs adhibitis illarum uſum experieris. Quandiu demum illarum uſui indulgeas. Porrò polliceris (quod audire geſtio) te monitis Medicis quam religioſiſſimè obtemperaturum, quo pacto ſperatum eventum conſequaris.

Quòd

Quòd ad primum postulatum spectat, Domine, velim ut adeas quamprimùm Aquas Tunbrigienfes; nihil vel ratio suggerit, vel experientia testatur in calculosis affectibus efficacius, modò facillè transeunt viis patulis excretioni dicatis, (quam foelicitatem sperare licet, etiam si *idonea* hujus & alterius corporis omnem certitudinem tollit) sin verò minus liberè effluunt, vel quasi obice posito sistuntur, cane pejus & angue sunt evitandæ. Eodem nomine non acidularum tantùm sed & generosiorum liquorum usus interdicendus, data porta liberius indulgeas, sed clausis foribus cautius agendum est. Tanti ponderis documentum est in re Medica, ut ipsius *THEE* usum frequentiore tibi interdicerem, modò tantilla quantitate epota (quod nonnullis contingit) corpus inflari & intumescere sentis.

Aptissimùm bibendi tempus cum Nephriticis doloribus es omnino vacuus, quod urgente dolore omnes partes sese contrahunt & angustantur,



tur, quo pacto minus spei superest ad debitam aquarum evacuationem obtinendam.

Nolo autor esse alicui Nephritico dum paroxysmo renum torquetur pellentibus uti : dant sæpe atrocissimos dolores, dum ex latiori pelve nimis officiosè aut intempestivè adigant in angustiam ureterum, quæ sunt partes exquisitè sensiles. Hoc verò in casu Natura optimâ occasione uti satis provida sibi relinquenda est, quæ per se satis pellet Urina à tergo urgente, *remedium sæpe unicum nullum remedium exhibere* ; aut si subsidium Medicum imploretur, viarum dilatatione & relaxatione Emollientium ope versetur.

Res verò longè aliter sese habent, modò calculus, relictis renum confiniis, mediante canaliculo prædicto, in vesicam nuper delapsus est, quod nonnulli quandoque advertunt, aliàs ex dolorum loco, aliisque symptomatis facile dignoscatur, priusquam novum incrementum capeffit, pellentibus & frequentioribus poculis indulgeat, spes enim affulget, modo calculus

culus Ureterum cava quam facillimo negotio transit, mediante Urethra, exitum satis idoneum inveniatur; præcipue si copiosiori sero eluatur Vesica, cui calculus innatans micturitione frequenti torrentis ritu abripiatur.

Nolo polliceri, etiamsi Aquæ liberrimè effluunt quod summum est, te in posterum Nephriticis doloribus semper vacuum futurum. Fermentum illud Gorgoneum dictum tam altas sæpe radices egit, ut summo undarum cumulo elui nequit; vel si eluatur, novus successor emergit, tibi præcipue cui hæreditario quodam jure à patre descendit. Morbus, Domine, primorum vitæ staminum comes, & una nobiscum ejusdem auræ vitalis socius, durante vitæ curriculo, eadem vestigia premet, & non obstante quovis conatu Medico ad rogam usque comitabitur. Sed vias Urinarias quibuscunque obstructionibus, mediante acidularum potu, liberares, sive muco, sive pituita, sive tartaro, aut arenularum globulis obsessas, quo pacto renes minus stupore afficiantur,

afficiantur, quem præcipuè damnat Beverovicius tractatu suo de calculo. Sic etiam si non extinguitur spiritus ille Gorgoneus, illius tamen pabulum subtrahatur; præcipuè si sequenti methodo obtemperaveris.

Quamprimùm Aquas advenis, omnibusque ad usum necessarium comparatis, proximâ occasione datâ, te velim purgari; & potius binis vicibus lenes purgatiunculæ sunt exhibendæ, quàm uno fortiori uti, ne humores non minus innocui, quam noxii, inde expurgentur.

Die binas purgatiunculas sequenti Aquas Minerales propinandas suadeo. Incipe verò modica quantitate sensim & pedetentim augendo, sic pedetentim pori corporis accommodentur. Sed cave ne ambulatione quavis violentâ teipsum incallescis, priusquam frigidam hauris; à calore ad frigus nunquam debet esse nimis subita successio. Et horâ solis ortum sequenti, præcipuè diebus Cunicularibus, hosce fontes adire affuescas, alvinis fœcibus (si fieri potest) prius egestis, & vacuo ven-

triculo, ut ſat temporis concedatur ad ingurgitandum pocula, & ad excernendum lotium, priuſquam inſtat prandendi tempus: quod tanti momenti eſt, quod ſi quid forte contingat, quod fontem tardius adire cogaris, prandium tardius ſumendum conſulo. Certò ſaluti confert non prandere, priuſquam acidulæ evacuantur, aut Urina exit colorata.

Si ventriculus acidulis onuſtis tumet, nec excerni queat, in illum diem abſtinere jubeo, neque fons ad plura pocula repetendus, priuſquam quæ modò ingeruntur, exitum invenerint.

Si per veſicam nondum evacuaſti aquas, quovis animi oblectamento utaris: anxietas animi retardaverit, quas hilarius ingenium facillimo negotio expediet; vel quovis corporis exercitio matures demùm illarum exitum, vel citatiore rheda, vel equo gradario potiùs quam pedibus domum revertè. Seſſio in equo muſculos abdominis, inteſtina, & veſicam comprimit, corpus validius



dius agitatur, quo pacto aquas promptius excerni, & ratio & experientia confirmant.

Post singula pocula ambulatio juvabit, sic circulantibus aquis quasi calcar additur, & expeditior egressus evacuandis facilitatur, nec sudare expediat, quod serum aliò diversum per Urinas parcius exit, *Artem unum, aliud Naturam exequi nunquam vel salubre est vel tutum.*

Quamdiù demum rogas, Vir Ornatissime, huic cursui insistendum est, non omnibus unum idemque tempus præfiniendum. Sed variari oportet juxta naturam morborum, juxta tempestatem anni, juxta habitum valitudinariorum; tibi verò Domine, Nephritico, sed cætera sano, aquarum Chalybeatarum usum suadeo per tres integras septimanas, sed quovis Octiduo leniter purga inter bibendum, alvus enim laxior asservanda est, & die quo purgas ab acidularum potu abstinendum est.

Sed objicias, Præclare Vir, diebus cunicularibus *magis operosa Medicatio* judicatur ex autoritate Divi Senis.

Quidquid verò, Domine, in Græcia tempestate Hippocratis ob torridum Sirii æstum istiusmodi cautionem exigat, apud nos *OCCIDUOS* injustus scrupulus audiat, ob æstum nunc dierum nobis facile tolerandum.

Probabile est quod pluviosa empestate acidularum vires admodum minuuntur, quod gallis pulverisatis non purpurascerint.

Quod ventriculus tuus neutiquam friget, femina nec nuda nec saccaro obducta sumito, sed istiusmodi palati blandimenta repudiato.

Nec Regimen Diæticum, durante hoc cursu, negligi oportet, ne quantum per medicamenta profeceris, tantum per alimenta retardaris: fuge salita, fumigata, austera, acerbæ & aromatica; vitanda quæcunque coagulationi apta, ut lacticia & caseus; pariter astringentia atque viscosa, cum ægrè digerendis. Vini usum penitus interdictum nolo, sed cerevisiam nostram illupulatam præferendam sentio; præ cæteris, cave ne opulentior fortuna ad luxum provocat;

provocat ; potum verò fubinde mutandum velim, multos inde naftos egregium levamen compertum eft.

Renes neque nimium fovendi fint indumentis externis, eodem nomine lecti admodum plumacei improbantur, fupinusque decubitus, & impensè fudare noxium eft.

Uti fensim & pedetentim augendo incipis, ita fensim & pedetentim minuendo define ; fic naturæ tramiti obfecundas.

Quoad animi Pathemata, ὑδρεγρονίς Tunbrigienfis fit curis vacuus & mœrore folutus, nec libris aut feverioribus cogitatis intentus, folitudinem Zoilumque fugiens ; ingenium ad inculpatores aliorum mores & vota obfequio promptum, exporrecta frons, tranquillus animus, vel potius ad alacritatem compofitus, illa enim animi alacritas, cui omnes innocuè indulgeant, fpectatæ morum probitatis comes, non tantum commodioris valetudinis, fed & diuturnioris vitæ foelicitatem nobis pollicetur.

Comedendi, dormiendi, & exercitandi horis lætiores animum Me-



dicina suadet. Fac copiam, Domine, ut in illius consilii cumulum adderem, quod non minus opportunum esse perhibetur, ipsas, viz. Medicandi horas hilariori genio transfigendas.

Hæc sunt quæ tua interesse existimo. Prolixior fui quoddam fidem dederas obtemperare.

Circa generationem calculi nolo, Domine, te fatigare. Tuâ nihil refert quomodo generatur, sed quomodo tollatur. Formam suscipit instar tunicarum alliorum, cortices superinducuntur corticibus, sic calculus concrevit adunatione crebrâ.

Mirari satis nequeo quid esset in causa, quod Autores unanimi consensu tantum medicamentorum Catalogum recenserent, quæ Lithontripticorum titulo insigniuntur, cum nihil sunt nisi Urinas pellentia vel emollientia. Fatendum est non absque suspiriis medicamentum *Lithontripticum* dicendum nondum nobis innotescit, & quantum prudentia Medica prævidere queat, tantum Corrosiva sunt, quæ id muneris



muneris exequi valent, quæ tanta  
quantitate affumi nequeunt, ne  
remedium ipfo morbo pejus au-  
diat.

Mone me quamprimùm, Vir In-  
signis, ab Aquis Tunbrigienfibus  
redis, fi quis querelæ locus, ut  
tempeftivè ei obviam occurrerem;  
fin minus, ut gratulatum accedam;  
probe enim nofti nihil mihi carius  
futurum integrâ tuâ valetudine, cui  
invigilare non definam, quodd sum

*Tibi Devinētiffimus.*

**EPI**

## EPISTOLA VI.

*De Thermis Bathoniensibus uxori  
nondum gravidæ consulendis.*

*Vir Egregie,*

**U**T postulatis tuis statim satisfacerem, quod officii mei esse duxi, quod non minus in expediendis consiliis quam in collocandis beneficiis, bis dat qui cito dat, adornabam quamprimum consilium, ut expectationi tuæ, quantum in me erat, gratificarer.

Rogas, Domine, num uxori tuæ post elapsum à nuptiis, aliàs auspiciatissimis, quadriennium nondum fœcundæ Thermarum Bathoniensium usus consuletur, quoto mense Balneatio commodissima censeatur, quamdiù illo madore irrorandam esse velim, quibusque Pharmacis internis externam illam maceratio-

nem

nem adjuvantibus uti hortarer atque  
suaderem.

Non est, Domine, quod ingemi-  
natis toties suspiriis uxor tua con-  
quereretur illam nondum concepisse;  
bono lætoque animo esse potius  
juberem, ex lætis arvis lætiora fata,  
quò minus læta sunt minus sobo-  
lescunt.

Istiusmodi animi genius gemi-  
bundus amplexum illum Aphro-  
disium aliquantulum interturba-  
ret. Furtiva Venus ut plurimum  
concepit non ob poenam tantum,  
sed & ob salaciorem Veneris libidi-  
nem quàm æstuant, cui nihil magis  
contrariatur quam animi mœror.

Istiusmodi minus prolificum  
tèmporis intervallum fœcunditate  
postera sæpe compensatur, haud  
secus ac arbor aliqualem aeris in-  
clementiam passa, paucis quandoq;  
annis fructu minus fœta perhibetur,  
ramos demum uberiori fructu gra-  
vidos, eorumque pondere nutantes  
feret.

Neque illam ipsam fœcunditatis  
expertem facile judicaret Uxor,  
quod

quod elapso quadriennio nondum concepit, hodiernus Galliarum Rex matrem habuit non nisi vicesimo secundo post nuptias anno concipientem, & enixa est postea filium alterum hodiernum Ducem Aureliensem.

Sterilescunt mulieres ex variis causis, iisque toto cœlo contrariis; consequenter una eademque medicatio omnibus eandem opem implorantibus diversa ratione prodesse nequit.

1<sup>o</sup> Sterilescunt mulieres ex sanguine sterili, sanguis sterilis dicatur pingui suo balsamico oleoso destitutus, & sale suo volatili non satis imprægnatus, quo pacto non conformat ova fecunda, aut fecundo liquore implet, inde minorem ætas sterilescit, in ætate provec-tis sal volatile parens, & faber omnium ita deficit, aut marcescunt Ovaria. Eadem sanguinis infœlicitas qualem-cunque ætatem occuparet, & procreandis liberis inhabilem redder. Hoc in casu universi sanguinis massa, defectu tali laborans, instauranda



randa est medicamentis internis, iisque copiose propinandis, donec balsamo condita, & sale volatili imprægnata satis evaserit. Ad hunc finem obtinendum Thermarum usum viribus imparem nemo unquam dubitaverit.

Uxorem verò tuam, Domine, nullo istiusmodi defectu laborare mecum statuo, quòd menstrua tempore debito, colore & quantitate debitâ semper effluunt, appetitus neutiquam culpandus, alvus officii memor. Externus corporis color tam valetudine quam forma spectabilis.

2<sup>o</sup> Sterilescunt mulieres ob pravam partium generationi inservientium conformationem, quod in abditissimis latent, & oculatissimam medicorum aciem fugiunt, meritißimum tum mœroris tum querelæ locum nobis suggerit, quod istiusmodi Dominas organico infortunio correptas, non nisi commiseratione sublevare valemus. Uxori tuæ istud infelicitatis non obtigisse, sperare licet, polliceri tamen nondum audeo: Æthiops lotione tantum

tantum nigredinem suam exuet citius quam tale infortunium balneatione corrigatur.

3<sup>o</sup> Sterilefcunt mulieres ob nimiam pinguedinem, tubæ enim & testiculi nimia pinguedine obfiti ab officiis fuis feriantur. Confilio fuper hac re minus opus eft, quod à cafu noftro tantum difcrepat.

4<sup>o</sup> Sterilefcunt mulieres ex impotentia mariti, fed talis impotentia neutiquam postulandus es, vereor potius quod fis intemperanter Venerus; fic femen tuum eft aquofum dum non fufficientem moram neçtit in teftibus emittitur priusquam fatis elaboratur, unde irritum ceftum illud venereum, vel ex minus congruâ feminis indole, quo pacto fubinde fit, ut Vir prolem fufcipit ab una muliere nec ab altera, & mulier vice verfa. Ineunt quandoque matrimonium viduus & vidua numerosa prole utrinque beati. Exiterit tamen uxor fœcunditatis expers, quod non omnia fermentantur ab omnibus. In his cafibus Thermarum ufus nullius momenti.

Remedium

Remedium hæcenus desideratur.

5<sup>o</sup> Sterileſcunt mulieres & frequentius ab obſtructionibus uterinis. Quibus mulieres admodum obnoxie ſunt vario nomine.

1<sup>o</sup> Ob multipliciſſimam illarum partium in extremis corporis trunci hoſpitantium à corde remotarum.

2<sup>o</sup> Ob defectum exercitii, otio & quieti indulgentes, ſic circulatio ſanguinis in partibus illis remotis minus rapida perhibetur.

3<sup>o</sup> Quod fæminæ valde deditæ ſunt alimentis craſſis & viſcoſis, nec potant vinum ad craſſiorem diætam adjuvandum.

Etiamſi ſanguis ſit admodum fœcundus ad Ovaria genitali ſucco fœta ſuppeditandum, licet vascula tam multiplici ſerie diſpoſita neutiſquam vitio quovis organico laborant. Maritus & uxor ſint optime inſtructi ad res Venereas tranſigendas, utero tantum obſtructionibus laborante, quo minus officio ſuo deſungi queat, amplexus in nihilum recidit.

Modus conceptus humani ſtupendum fanè opus videretur. Actu Venereo

Venereo partes genitales spiritu turgent & inflantur, fimbriæ illæ tubarum appendices ab Ovario sejunctæ, ruunt tamen in illius amplexum, suisque veluti digitis comprimunt, quo pacto ovulum debitam maturitatem adeptum, (quædam enim immatura deprehenduntur, & quædam subventanea) haud secus ac fructus maturus ab arbore deciduus, de nido suo decedit (bina sunt ubi gemellos pariunt) sed relictis sociis iter instituit admodum flexuosum, tubarum ambages permeat, tandemque aliquando ad Uteri cavum pervenit, ubi auræ vitalis seminis masculi congressu læto fœcundatur. Si in tam diversa partium fabrica à carceribus ad metam vel obstructio contingit, irritò conatu fudes.

Hiscè obstructionibus referendis plurimum conferat Thermarum usus, illarum calor penetrationi inservit, qua mediante obstructa loca facilius adit, sulphur quo distescunt Balnea (præcipuè Aquigranensia, ut illius odor plateis ambulanti-



bulantibus quàm facillimè percipia-  
tur) ductilitatem partium intro-  
ducit, quo pacto obsequiosi fiunt  
pori ad circulum suum renovandum;  
macerationis demùm ope solennem  
Thermis moram insequentis, calore  
viam monstrante, & sulphure poros  
adaptante, humores, qui antea  
velut aggere posito immobiles hæ-  
rebant, solutis carceribus, liberta-  
tem auspiciatò sibi vindicaverint.  
Quo pacto tam illustre nomen  
comparavit Balneatio ad Paraly-  
ticos restituendum, ad dolores Is-  
chiaticos sedandum, ad Schirrosa  
viscera emolliendum: obstructi-  
ones demùm uterinas instar turris  
aheneæ impenetrabiles diutina tan-  
tum maceratione, quasi aureo Jovis  
imbre, cessisse compertum est.

Rogas dein, Domine, quoto  
mense balneatio commodissima cen-  
seatur, tempestate præservida non  
nisi appetente Autumno; sin minus  
fervet æstus, nec ipsum Sirii adven-  
tum reformides.

Quod vires invalescunt satis,  
balneationem statim elapso fluxu  
F menstruo

menstruo incipiendam, nec nisi instante reditu interrumpendam suadeo, Thermopotatione per aliquot dies viam monstrante, quam pillulæ aperientes cum uterinis conjunctæ majori fructu comitentur: sic obfesso totidem & tam unitis viribus obstructionum cumulo facilius expugnarentur.

Prolixior esse supervacaneum, quod consulendi sunt Balneorum medici, quorum judicio & experientia potius confidas, quod in hac praxi tam foeliciter & tam diu ingenia sua exercuerunt, illorum itaque consilio monenda est uxor, quale balneum seligendum est, qualis erit caloris gradus, quota hora ingredi oportebit, quamdiu permanferit, & quid egressum sequatur, quoties alvus sollicitanda est, qualis esset ciborum delectus, quale exercitium admittatur, ex indicationibus inter balneandum desumendis, & neutiquam hic loci prævidendis, tantum constabit.

Medea

Medæ balneo non est opus, ubi  
juventus tam speciosa corporis pul-  
chritudine, quam inimitabili animi  
candore stipata majestatem quan-  
dam præ se fert, charam Deum  
sobolem pollicentem: fac itaque  
copiam, Præclare Vir, ut quod ex-  
cidit verbis supplere votis annitar,  
ut uxor dilectissima fiat tandem  
voti compos, & Honorandam ad-  
modum familiam, tam Regi fidam,  
quam regno charam, auctiorem red-  
dat & ornet.

Sin minus consilium aut vota  
succeedunt, acquiescendum est, fiat  
voluntas Divina, seu prolem dederit  
seu denegaverit; cavere oportebit  
ne tibi aut uxori tuæ displiceat,  
quicquid placebit Deo, cujus patro-  
cinio vos committo & commendo,  
quod sum.

*Servus addictissimus.*

## EPISTOLA VII.

*Num Matris vel Nutricis lacte  
commodius aletur infans.*

*Vir Clarissime,*

**G**Ratulor tibi uxorem gravidam ; Lucina, fer opem ut foeliciter pareret, & nascatur proles tantis parentibus digna : neque est dubitandi locus, dum *fortes creantur fortibus & bonis*. Nec laudare desinam providam uxoris tuæ curam, quæ foetui suo nondum in lucem edito prospicere satagit, dum in ambiguo versatur ; num suo vel alieno lacte commodius & tutius aleretur infans, consilium Medicum implorat, quo demùm ubere illius valetudini quàm maximè inserviret.

Cum uxor tua, Domine, primo partu mulier est, nihil hac in re absque cautela universaliter pronunciari



*An Matris an Nutricis lacte, &c.* 69

ciari aut potest aut debet, si foelicer paret atque purgetur, si vires non admodum prosteruantur, si mammæ benè formentur, & turgent lacte nec valde tenui, nec crasso, neque acriori, author atque hortator essem tam matris quam infantis gratiâ ut inemptis dapibus aleretur. Persuasissimus sum nullam matrem & bellè valentem, & omnibus in alimoniam infantis necessariis instructam, quocunque nomine vel specioso quovis obtentu habito, ubera sua denegantem, quin summi neglectûs sin minùs delicti postulanda est.

Rogare licet cui usui inserviunt mammæ? vel Deus frustra condidit, quod absurdum est; vel in elegantiam & venustatem corporis foeminei; sed tum cui usui inservit lac in mammis contentum? Vel lactandis infantibus: & quibus? Proculdubio suis. Et provida Natura huic instituto optimè prospexit, cum post puerperium lac in mammis copiosius generari assolet, quasi ad novi hospitis adventum congratulandum,

non quod refluit ab Utero, quod contrariatur sanguinis circulationi, sed cum sanguis non consumitur in nutrimentum fœtus, redundat in omnibus vasis maternis, consequenter in mammis, redundans magis urget vasa & poros, sic vasa & poros mamillarum, quo pacto lac copiosius generabitur, dum glandulæ mammarum plus secernunt, quia plus in illas influit.

Sciat uxor tua salubrius matri futurum mammas copioso lacte distentis infantili suctu evacuare, quam exucca ubera permittere, vel medicamentorum viribus comparare.

Porro, si in hujusce novi hospitis adventum exquisiras: admodum epulas parare satagit pia Uxor, aperto gremio suo, plenis eum ulnis excipiat, mammas suas porrigat non alienas, & ut gratissimas sic & aptissimas infantulo dapes invenerit, quo enim quæso lacte commodius aletur infans, quam eo quod ex eodem sanguine generatur, ex quo fœtus in utero formatus & nutritus est; cum è contrario ex alterius indolis

indolis lacte (nec parum differre compertum est) infantuli valetudo nequit non periclitari.

Si uxor tua eodem amoris impetu rapitur in prolem suam, post puerperium, ac durante gestationis decursu, aut quod opinari fas est, ex tam pia & provida matre geminatus esse voluerit, præbeat sua ubera, suctionis enim titillatu tam dulci voluptate perfusa est mater, ut in amorem alumni quam ardentissime rapitur; & foemineum sexum appellare audeo, quibus arbitris utrumque casum expertis decernendum credo, quod magis diligunt alumnum de sinu suo propendentem, quam alterum lacte conductitio nutritum; & postea experiuntur matres, liberorum suorum quos ipsæ non aluerunt amorem, erga nutrices quam erga sese impensiores.

Si uxorem tuam commovet solis suæ tum futuræ pietatis tum sanitatis cura, quam nemo dubitat, cui innotescit spectata uxoris tuæ probitas, & conspicua animi dotes, lacte suo suum alar, ne dum



alieno vescitur, alienis morbis aut vitiis adolescat.

Refert Helmontius mulierem octo liberos peperisse, unum è quibus alendum tradidit nutrici calculosæ, & iste infans postea miserè illo morbo torquebatur, cæteris omnibus intactis, procul omni dubio nutrici debuit suam miseriam. Infantem concionatoris cujusdam Genevensis filiam à nutrice surda surditatem contraxisse nuperæ Episcopi Salisburienfis literæ tradiderunt. Eodem pacto latius opinione serpit infamis morbi nimis frequens propagatio.

Sed quod mihi plus horroris intulit, ne lacte nutricis vitia sugat infantulus, nihilque tibi acerbius futurum arbitror, quam si nutricis potius mores, quam uxoris imberet, spem superesse video, modo matres optimè moratæ nascituræ soboli ubera tantum sua lactantia præberent, priscae pietatis vestigia pulsus vitiis de novo statim repululascere, foeliciora tam temporum quam morum auspicia. Sin ita occalluit



occalluit temporum & morum impietas tanta temporis diuturnitate, ut nec emolliri nec eradicari queat, certò tamen impediatur (quod optandum est) quo minus in pejus vergat.

Veniam dabit, spero, uxor tua, Domine, quod illa animi contentione & impetu illam consulo, ut proprio lacte infantem suum alere dignaretur, cum ad publicam utilitatem haud parum interesse video, eoque magis urgendum sentio, quod tam Illustris Dominae exemplum plures ad alendos foetus suos concitaverit, quam mille medicorum hortamina.

Velim tandem ut sciat Uxor tua, nutrices mercede conductas, non tanta cura animi & corporis motum, cibum & potum, & huiusmodi, eas præcipuè quibus res domi est angustior, quibus infanti obesse possunt, evitare, quam matres, quibus verè cordi est liberorum salus, ista nutricum negligentia, improbitas, atque amor erga infantes quos alunt minus sincerus, adeo  
nota

nota sunt, ut Græcis occasionem  
 proverbii suppeditaverint, καὶ δὲ αἱ  
 ἰσθμιαὶ καὶ οἱ στήθεις ὑγῆες, quemadmodum  
 nutrices pascis male.

E contrario, Domine, si post pe-  
 riculosissimum partum (quem a-  
 vertat Deus) Uxor tua prostratis vi-  
 ribus admodum languet, si lactifi-  
 catio minus foeliciter procedit, ali-  
 eno in tempus saltem lacte alendus  
 est infans, si mammis aut papillis  
 malè dispositis, vel illaudabili lacte  
 infantis valetudinem periclitante  
 laborat post puerperium, nutri-  
 cem adsciscat, non minus mente  
 quam corpore sanam, non torvam  
 sed hilarem, ingenuam, pudicam.  
 Verbo dicam; si talis ullibi compa-  
 randa est, matri similem, nec ætate  
 longè disparem, cujus lac nec spif-  
 situdine incrassescit, nec tenuitate  
 diffluit feri æmulum, sed quid inter  
 utrumque probandum; cujus ub-  
 era sufficienti lactis copia distenta  
 sunt, cujus demùm menses non  
 fluunt, quod more institutoque na-  
 turæ fisti debent.

Improbatus

Improbandum est quarundam Dominarum mos, formæ potius quam sanitati studentium, quæ dum sunt prægnantes, earumque mammæ augmentur, arctiore thoracis constrictione corporis gracilitatem inducere cupiunt, quo pacto tubulorum & glandularum ampliatio inhibetur, talemque lactandi impotentiam de industria contractam excusare non audeo.

Fortasse Uxor tua grave & iniquum reputaverit semper domi detineri ad alendum infantem, quod foemina ejusdem conditionis ferre recusant, semper noctu interrumpi somnum ploratu & lacrymis, nec nisi repetita suctione pacandis, inter sordes & stercorea quandoque conspurcari nitidissimas manus, quæ levi admodum stipendio facile declinarentur.

Gravissimum sanè in initio, nec facile ferendum, nisi in amorem alumni quam ardentissimè rapitur, nisi carius nihil duxerit quam infantis sui salutem invigilare, nisi quamcunque molestiam ferre maluerit, quam



76. *An Matris an Nutricis lacte*

quam infantis valetudinem periclitari, etiamsi verò primo intuitu molestum admodum videretur, ast ubi paululum impenderit operæ, ludum & jocum esse senserit, *optimum eligat, suave & facile illud faciet consuetudo.* *officij*

Nonnullas illustrioris fortis feminas ab infantulorum suorum lactatione abegit suspicio quædam, quod passionem Hystericam accerferet, paucula sunt quæ istius suspicionis fidem aliquantulum labefactare viderentur.

1<sup>o</sup> Quod inter opulentioris notæ Dominas, nuperis annis, hoc malum admodum increbuit, neque imputandum est istud infortunium, quod nutriendis infantulis operam impendunt, cum quasi factò fœdere infantum suorum nutritum alienis manibus demandarunt.

2<sup>o</sup> Quòd egenæ quibus inauditum est infantes suos alienis uberibus alendos tradere, quibusque aliorum cura ut plurimum demandata est, affectu isto rarissimè aut nunquam corripuntur, non quod  
mecum



mecum reputo, quod pauperes istiusmodi insultuum frequentia immunes perstant, quod mammas alendis fœtibus præbent (essentiam enim morbi neutiquam tangit) quin occupari tam animo quam corpore, provida rerum domesticarum cura grato animo versari, forsitan iis aliquantulum conferat; etiamsi nolo tam injurius esse formosiori sexui ac decernere, quod frequentior istius morbi occursum illarum desidiæ, vel quod mussitant alii, illarum cogitatis Aphrodisiis minus aptè collocatis debeatur, profiteri tamen audeo quicquid occupari impedit, remedii locum neutiquam mereatur.

3<sup>o</sup> Quod iste lactis proventus puerperii comes, quandoquidem omnibus & sanis mira naturæ providentia competit, eodem naturæ ductu illius evacuatio Oeconomix Animali confert, quod naturalis fin minus necessaria audiat, experientia constat, febris illa à lactis proventu oriunda, intenditur & diutius immoratur, si quando lac mammas  
ubertim

ubertim ingressam non emulgetur, at illinc denuo repellitur, etenim decessu ejus non secus ac adventu perturbatio in toto corpore cum siti & æstu contingere assolet, sæpe inflammationes cum abscessibus in mammis parit, sæpe febres putridas & malignas accersit, cum spongiosa mammarum substantia officiosa nimis Topicorum applicatione plus satis constringitur, aut lac nimis confertim è mammis abigitur; neque quævis cautio medica tanta certitudine istiusmodi accidentia præcaveat, quam ubera crebriori suctu depleta.

4<sup>o</sup> Quod puerperis familiarius est hoc malum, vel huic obnoxias tunc temporis frequentius invadit, non porrectis mammis, sed vel accidentibus puerperium comitantibus, vel aliis morbis hoc pacto exacerbatis debetur.

Uno verò in casu infantis sui nutriticus vapores (ut vocant) accersat, viz. cum mater aut præconcepta opinione territa, aut voluptatibus unicè intenta, non nisi invito

invito & reluctanti animo id muneris exequitur. Quo pacto moestitia animi hunc affectum induxerit, quem alacer & promptior animus facile prævenisset.

Sed quod literarum tuarum propositum infantulorum saluti & commodiori nutritui ex prolixa tua benevolentia prospicere satagit, nolo aliquod officium declinare, quo tam laubabili instituto gratificari putarem, quo pacto nequeo non arguere consuetudinem quandam tam matribus quam nutricibus communem, infantulorum valetudini exitiosam, quibus familiare est molem quandam saccaratam sorbitionibus suis nusquam non commiscere. Inclarescat hæc opinio ex autoritate Celeberrimi Willisii tractatu suo de Scorbuto — *Saccaro condita aut plurimum imbuta in tantum vitupero, ut illius inventionem ac usum immodicum Scorbuti in nupero hoc seculo immensi augmento plurimum contribuisse existimem. Concretum istud sale satis acri & corrosivo cum sulphure delixito constat,*

*stat, prout ex Analyfi Spagyricæ facta liquido patet, quippe faccarum per fe destillatum exhibet liquorem Aqua stygia vix inferiorem.*

Experientia compertum est, opulentiorum infantul<sup>is</sup>, qui istiusmodi alimenta Saccaro gravida copiosius assumunt, torpescere, colore exangui pallere, & tanquam succifis nervis, vigore inde omni & viribus destitui<sup>t</sup>; plebeiorum vero liber<sup>is</sup>, quod sumptibus parcere coguntur, vel saccharatis istiusmodi cupediis penitus abstinent, vel rariùs assumunt, vivaces, vultu florido & robore ætatulam superante: nec mirum, dum istiusmodi palati illecebræ in adulta etiam ætate appetitum dejiciunt & viscositates augent, nonne in infantili ætate cumulatius exurgat malum, ubi concoctionum vitia facilius contrahuntur, & quod dolendum est, ægriùs medentur.

Porro infantulum avido mammarum suctu nutrimentum sibi comparare longè tutius & salubrius visum est, quam nutriri per officiosam



ciosam ( ut vocant ) nutricum manum, lac humanum quovis alio longe accommodatius censendum, conficitur ex cibus, ergo salubrius, infantuli admoto tantum ubere nutriti, necdum laborant vermibus, neque ob frigus horror ingruit, neque ob calorem æstus incitabitur, sed blandus ille & naturalis tepor ab humano corpore oriundus infantuli necessitatibus & ventriculo optimè aptatur, non ingestis ex indulgentia malè collocata adulteratur, non prægustantis nutricis saliva coagulatur, sed purum puta lac ex ipso providæ Naturæ gremio emanans, destinatum munus exequi valet, & in illius gloriam hoc dici oportet, quod humanis usibus exequendis *Natura* nec agnoscit parem nec superiorem. *Mammas*, itaque, *fontes corporis sanctissimos & humani generis educatores blandissimos*, unà cum Aulo Gellio appellare licebit.

Te, Domine, & Uxorem tuam quam officiosissimè saluto, vobisque fausta omnia & foelicia animitus voveo, necnon in bonum publicum

G . . . . . nume-

numerofam admodum prolem parentum virtutum hæredes, quo nihil majus exoptari poteft, nihilque minus exoptari debet ab

*Observantiffimo tui.*

**EPI-**

## EPISTOLA VIII.

*Num Tabido iter Menspeliense  
suaderem : In hoc morbo fon-  
tanellarum usus examinatur.*

*Spectatissime Vir,*

**G**enerum tuum tabe confectum  
tot illustrium medicorum co-  
namina eluisse admodum doleo,  
nihilque spei superesse existimant,  
nisi Monspeliensi aere sublevetur ;  
istud itaque iter suscipiendum ju-  
bent, si valetudinem generi tui re-  
staurandam curas, qua nihil tibi  
optatius visum est ; & jure merito,  
dum non sibi sed aliis nasci videtur.  
Rogas sententiam meam quod non  
sum in Galliis hospes, num illorum  
concilio obtemperares, iterq; (quod  
comes illius esse volueris). suscipere  
parares.

Faveo illorum opinioni ( Vir  
Amplissime ) iterque quamprimum  
adornandum consulo , ne diutur-  
niori mora eo contumaciæ invete-

rescat morbus, ut Monspeli tumulum potius quam remedium inveniatur, nec popelli susurrus aurem admove ad necendas moras, ad alium atque alium Medicum accersendum. Profecto penes medicinam vix esse existimo, quod nequeunt tot & tanti Medici.

Fatendum est, Domine, sequor illorum sententiam, non quod aer Monspeliensis certum & indubitatum auxilium pollicetur, sed quod eo pacto animo & conscientiae tuae certo & indubitato satisfacis, dum omnem lapidem moves, & omisisti nihil quod literatum admodum concilium jubet ad illius ægritudinem abigendam: sic pacato tandem animo divina voluntate acquiescas, & cum nihil pejus accidere potest omnia tentanda sunt, & potius dubia quam nulla, & Celso iudice, *nihil refert quam periculosum sit medicamentum modo sit unicum.* Plus excruciat animum tuum, genero tuo fatis concesso, vel incertum quoddam remedium dictum omisisse, quam mille frustranea tentavisse. Sed



Sed desperare veto, quòd spei aliquantulum superesse video, quod iter illud læto admodum auspicio ( quod & ardentissimè rogo ) conficiatur, triplici nomine.

1<sup>o</sup> Benignioris aeris afflatu.

2<sup>o</sup> Corporis exercitio, mediante equitatione & aurigatione, orto.

3<sup>o</sup> Animi Pathematis, mediante peregrinatione, facile commutandis.

1<sup>o</sup> Benignioris aeris afflatu. Et benignior dici mereatur, modo morbo suo adversatur, ædes tuæ suburbanæ, etiamsi quoad formam & elegantiam pulcherrimæ, quoad situm tamen minus salubres, tali tabido perhibentur, quod loco humiliori collocatæ ( hoc majoribus nostris solenne fuit, ne aprico, frigido aeri exponerentur, & ob faciliorem aquæ proventum ) inde aer crassior emergit, tabido minus commodus censendus ; ubi enim humores crassitie peccant, quo minus nutrimentum corpori largiuntur, uti in generi tui atrophia constat, ibi aer subtilior petendus, ubi humores tenui acrimonia

peccant, ibi aer crassior foelicius inspiretur.

Sed omne aeris beneficium magis vel minus benignum deprehenditur ex usu & consuetudine, ut loca admodum paludosa incolis ibi natis saluberrima sunt, & diutius vitam protrahunt intra udum & molle lutum, quam si serenissimo Galliae Narbonensis aere fruerentur: è contrario, si quis ab incunabulis foelicem hunc aerem expertus est, & demum ad paludosa migrat, statim migrabit ex vita. Tanti momenti est assuetus aer, ut, autore Celso, *neque ex salubri loco in gravem, neque ex gravi in salubrem transitus satis tutus est.*

Gener tuus ex quo vitam foelicer auspicatus est ad nuptias usque sedem habuit in excelsiori positam, nudo & aperto aere perflatam, à paucis verò retro annis, quibus minus sanus & valens perhibetur, commoratus est apud te aere toto cœlo contrario, & verius nihil est, quam quòd mutatio aeris morbum ab aere oriundum unice domat. Non est

est itaque temerè consultum ad urbem Monspeliensem petendum aeris mutandi ergò.

Sed 2<sup>o</sup> ad propositum peragendum iter ipsius itineris gratiâ non immeritò hortandus est gener tuus, mediante equitatione & aurigatione corpus haud parum exercitatur ( inde Hypochondriacis primatum ferè obtinet ) cujus adminiculo fermentationes modo languentes magis invalescunt, quibus invigoratis humores corporis magis inciduntur & attenuantur, sic crassitie in tenuitatem conversâ minus obstruuntur ; sic extremis corporis oris fœcundum magis pabulum & nutrimentum sublati impedimentis suppeditetur.

Queritur gener tuus appetitum adeò languere, ut vel ipsissima cibi mentio fastidium parit: augetur hoc malum, si minus oritur ex eo quòd extra ædium tuarum parietes vagari noluerit, & quòd esculenta ex tanto domi tuæ apparatu officiosi nimis amici quavis ferè hora sibi obtrudunt, sed oblata penitus sordent, cum primum verò in Galliis iter

instituit, aprico aere perflandus est, & si quis unquam fuit, famelico, neque verenda est tanta cibariorum copia, minùs vero ut officiosè illi obtruderentur, potiùs hanc benevolentiam præstabunt illius portionem comedere, Lari sacrificant viatores & nihil relictum est nisi omnes ægrotant.

Navigatio intra Dorobernium & Cæletas peragenda huic affectui plurimùm conferat, evacuatio illa, mediante Emetico marino, famem solet extimulare, quamprimùm navis appulsa est. Neque pertimescat gener tuus, etiamsi summam ægritudinem senserit, quòd vento secundo paucis quibusdam horis transmittitur.

30 Invitat ad moliendum hoc iter frequens & læta occasio pathemata animi commutandi. Oculi non magis delectatur gratâ objectorum varietate quam animus; jam solus domi desidet mœstus, querulus, gembundus; amici ( quos numerosos vix millesimus quisque habet, aut meretur ) subinde salutatum accedentes, madent perenni fletu, dum



dum consolari oportet, animum  
haud minus quam corpus languen-  
tem dejiciunt, dum erigere stude-  
rent; sic officioso adventantium a-  
micorum luctu mens illius indies  
quasi contabescit, certusque videtur  
in tumultum apparatus, magisque  
terret quam mors ipsa, dum gemitus  
& suspiria tota vicinia personant.

Inter peregrinandum verò in Gal-  
liis præcipue longe alia est rerum  
facies, personat omnis domus non  
ejulatu sed quotidiano cantu vocum  
& nervorum, nocturnisque convi-  
viis, non tam epularum varietate,  
quam hilariori accumbentium ge-  
nio conspicuis, & si talis erit qui-  
buscum vixerit, mœstitiæ locus non  
concedendus, vultu hilari & læto  
quicunque eum excipient, nec pol-  
liceri desinent quid velit (in hono-  
ribus vero & officiis decernendis  
nimii sunt & tanquam prodigi)  
quicquid luctuosum impendat bene  
sperare, bonoque animo esse ju-  
bent; sive itaque cœli vel soli cle-  
mentix, sive frequentiori, sed sobrio  
vini usui, sive hilariori animi genio,  
vel

vel unitis viribus tribuatur. Galli  
quam rarissime tabidi intereunt;  
quibus perspectis istiusmodi iter haud  
irritum futurum & credo & spero.

Velim, Domine, ut gener tuus se  
equo vehendum traderet, modico  
primum itinere, quale ferre potest  
valetudo adeo infirma, productis  
gradatim itinerum spatiis, ne vires  
& valetudo periclitentur: caveat  
pariter ne uno eodemque impetu se  
vini usui assuescat, sed paulatim  
diluendo familiarior fit usus; vi-  
num fucatum & austerum fugiat,  
sincerum quovis pretio sibi com-  
paret, intemperantiam vitare ut  
consulem supervacaneum, qui so-  
brius hactenus vixit, vix ebrius  
inter Gallos deget, populum tem-  
perantia dignius quam novo vesti-  
um artificio cultuque imirandum.

Sed parens tua, Domine, tam  
pietate quam senio veneranda in  
tam longinquam profectionem in  
hunc modum assurgit, Quorsum  
ranta molimina ad digitum Dei  
præcavendum? Animam efflare  
omnibus necesse est, & præfinitus  
est

est vitæ terminus, ultra quem quibuscunque suppetiis Medicis prolatari nequit.

Verissimum est quod neque digitus Dei evitandus est, neque lethi occursum, quod inevitabilis est vitæ terminus, neque diutius ope medica procrastinandus, sano sensu, viz. corporis nostri machina tot tantisque organis nititur, quæ progressu temporis & usu ita atteruntur ( uti in extrema senectute compertum est ) ut diutius usibus suis perfungi nequeant ; sic agere, sic vivere desinant, & quod omnibus istiusmodi tempus superveniet ( nullo lethali morbo interveniente ) ut sponte sua ruet corporis moles, istiusmodi vitæ terminus certus & definitus dicatur, neque diutius, quod ad novam fabricam struendam impares sumus, quavis medicaminum ope fulcienda.

Citiùs vero & millies frequentius rumpitur vitæ filum accidentibus & morbis occasionaliter ortis, quibus in casibus tanti momenti est subsidium medicum modò maturè im-



imploretur, quod mira hominum vis inter vivos esse non desinit, quibus nisi facultas nostra auxilium porrexerat, tumulo sepulta fuisset. E contrario millies mille tumulo dati, qui modo mediis Medicis tempestivè fuissent usi, animas nondum suas exhâlâssent.

Exulat absurda illa opinio Mahumetanis tantum digna, quibuscunque periculis nosmet ipsos obijcimus, neque citius neque tardius perimus.

Docet sacra Pagina in morbis abigendis media Medica sapius. Divina authoritate fuisse usurpata, quod satis evincit, neque rem Medicam supervacaneam, neq; providentiæ neque vindictæ divinæ contrariam, & uti Divinæ Naturæ longe gratus est benevolentiam suis præstare, quam vindictam exerere, ita media Medica tam laudabili usui inservientia, non minus Deo grata, quam hominibus proficua censenda sunt.

Conamen nostrum nisi favente Archiatro irritum futurum libenter agnoscimus; ergo tam Medici quam  
agri



agri sacris implorandus, ne incassum exercemus; sin minus annuit Divinus favor, submisso admodum animo acquiescendum est; sin verò conatibus favere dignabitur, laus, honos & gloria sibi soli tribuenda est.

Ita, Domine, nihil est quod vel Medicina docet, vel Theologia jubet, me iudice, ad prædictam generi tui protectionem dissuadendam.

Rogas demum, Celeberrime Vir, num fontanellas in utrisque brachiis excavatas vel numerosiores vel occludendas esse suaderem, observationem memoras in illarum patrocinium militantem: viz. dum plorant fonticuli, meliusculè habet, quamprimum verò plorare desinunt, redit languor; sin ergo tecum reputas, quòd fonticuli tam læto auspicio irrigui, melioris valetudinis causa judicentur, hallucinari videris, quòd verius affectus audiunt.

Fonticuli plorant, ergo bene valet; non verum est; sed bene valet, ergo fonticuli plorant; fermentationibus enim

enim sanguinis bene se habentibus (quod in valetudine solenne est) humores non desunt qui per universum corporis ambitum propelluntur, sic continuò deveniunt ad cutem fauciatam.

Fonticuli plorare desinunt, ergo languet, neutiquam constat; sed languet, ergo fonticuli plorare desinunt; & ratio mechanica idem docet, vacillantibus enim sanguinis fermentationibus, ut in omni languore fit, humores tam parçè & lentè propelluntur ad extrema corporis, & consequenter ad fontanellas, ubi suas ut plurimum figunt sedes, quod neutiquam madent; sic nil dant fonticuli quòd nil habent, nil habent quòd nil propellitur, nil propellitur quòd languet.

2<sup>o</sup> Quòd externis oculis vides aliqualem materiæ purulentæ quantitatem ex fontanellarum faucibus eructatam, conjicere volueris, non potest non conferre valetudini, corpus tam purulento hospite foramine factò exonerare: Sed

1<sup>o</sup> Observandum est quod pus illud foramen factum sequitur, factâ continui solutione non minus in fonticulis insculptis, quam in vulneribus boni moris sit puris accessus.

2<sup>o</sup>. Pus illud nil aliud est quam chilus ad partem illam nutriendam allatus, ut membra fonticulis insculpta extrema macie confecta satis docent: medicamenta suppurantia dicta sunt quæ chili generationem motumque modicum per partes solidas promovent, & humores quibus nihil chili est admixtum nunquam suppurant, teste Canero, & ulceribus Venereis; tantum demùm abest, ut liberalis illa mediantibus fonticulis evacuatio Atrophix occurrat, ut, me iudice, vel ipsam adaugeat vel inducat.

3<sup>o</sup> Terror animum subit collycias suas occludendi, quod post illarum occlusionem tam numerosi invadunt morbi, iique peioris omnis & generis, quod longe illi optatius visum est lento passu contabescere, quam occlusis fonticulis  
tam



tam graviter periclitari. Verissimum est quòd post occlusionem fonticulorum sæpe incidunt in varios morbos ; nec minus verum est, quod ante occlusionem iisdem corripuntur, nihilque miri in se continet, quòd viri quibus solennis est fonticulorum usus ut plurimum sunt valetudinarii, ergo nisi propter occlusionem illis morbis tentantur, umbratilis metus videretur : audi Helmontium, *Qui mille fontanellas incarnari jusserat, quorum neminem pœnituit unquam.* Ratio dictat morbis quibus fonticuli prodesse non inveniuntur, illarum occlusio obesse vix suspicaretur.

Sed, Vir Egregie, ne praxin à communi consuetudine alienam obtrudere viderer, nolo ut gener tuus nisi consentientibus Medicis valetudini suæ inservientibus, rivos suos occludat, ex quorum experientia & judicio multa sibi polliceatur, neque profiteri erubesco, me malle, ut illorum experientiæ, sin ita decernunt, quam ratiociniis meis fidem adstruat, postularis tuis amicitia



citæ ergô deesse non potui, & aliena à cogitatis meis veritatis ergo rescribere non volui.

Literis vos muniam, modo eas jubetis ad Celeberrimum Dominum-Professorem Monspeliensem probum & peritum Medicum, quem nullo officiorum genere defuturum polliceri audeo.

Sit itaque fœlix iter, fœlicior reditus, fœlicissima omnium conspiratio, ad exoptatissimum finem assequendum Archiatrum Optimum Maximum quam humillime rogo, quod sum tibi

*Devinctissimus.*

H

EPI-

## EPISTOLA IX.

*De Capillitij usu, num confert  
sedandis Capitis doloribus ?*

*Charissime Vir,*

**J**USTISSIMUS sanè querelæ locus est, quod tam contumaci capitis dolore subinde torqueris ; præcipuè quòd & toties recurrit, & tanta pertinacia sævit, ut vitam immaturo quovis fato præreptam subinde optes. Demulcent in aliquale temporis intervallum Opiata, sed malum statim redit ingeminatum, post infinitam ferè medicamentorum farraginem quæ Vicinia vestra sumenda consuluit, vetustus dolor hæret. Rogas num Capillitij usus ad hunc affectum tollendum ( quod omnium in ore est ) consuleretur, & quo pacto id juvamen conferre perhibetur.

Re-

Responsum erit varium & multiplex.

1<sup>o</sup> Capitis dolor à diversis causis dependet, sic rationis imperio diversa remedia postulare. Panacæa hætenus desideratur, medicamentum, viz. instar gladii Delphici, in omnem usum vertendum.

2<sup>o</sup> Capitis dolor vel debetur sanguini & humoribus ex crassa illorum indole subtilissima cerebri vascula permeare ineptis, & obstructionem passis, inde sequitur ruptionis periculum, & inde dolor; si in materia obstructa dominatur sal, dolor pungens est; si verò acidum, est scindens & lancinans; modò oritur à flatibus, tum dolor tensivus est; si à materia tantum crassa & viscosa est dolor gravativus; si juxta notabilem Arteriam obstructio contingit est dolor pulsatilis.

Vel ipsis vasculis debetur, uti in inveterato illo capitis dolore Cephalæa dicto, ex oculari inspectione in cadaveribus hoc morbo defunctis reperti fuerunt cerebri sinus ad revehendum sanguinem dicati an-

gustiores, quo pacto sanguis vel agrè transiens vel hærens, ansam huic malo dedit tam pertinacem quàm diuturnam. Hisce affectibus medendis impar omnis Capillitij usus, quod sublata tantum causa affectus cessabit.

3<sup>o</sup> Acerbissimus ille capitis dolor ab ulcere vel abscessu internam Pal-  
ladis arcem obsidente oriundus, de-  
rasis capillis neutiquam levamen  
senferit, prærupta cranii rupes spon-  
giosam carnis molliem minimè  
referens, quasi satellitio stipata, hu-  
moribus istiusmodi crassitudinem  
nactis per pororum foramina omnem  
egressum denegat, mediante vascu-  
lorum decursu ab intus ad extra  
fit omne commercium, quæ non  
minus densissima cæsarie quàm nudo  
capite fruticescunt.

4<sup>o</sup> Caput aliarum partium de-  
licta luit, & à ventriculo aut visce-  
ribus malè affectis per sympathiam  
subinde dolorem patitur: reme-  
dium in hoc casu postulandum non  
capiti sed parti malè affectæ exhi-  
bendum, sic coma ascititia nullius  
pretij.

5<sup>o</sup> Dolor



5<sup>o</sup> Dolor capitis quoad situm variat: vel est internus, tum internis remediis levandus; vel est externus, tum externa subsidia juvent.

Jus itaque suum cuique tribuendum est. Nolo avem alienis plumis ditescere, neque suis fraudare; quibus hic capillitii usus prodesse queat paucis accipe:

1<sup>o</sup> Modò dolor capitis externus est, qui dignoscatur modò externo contactu exacerbatur, detondere capillos haud inconsultum foret, præcipuè si densum cæsarie caput est, quòd eo pacto spiracula ad humores per transpirationem evacuandos majora fiant & patentiora, quibus antea occlusis iste dolor excitabatur, neque per totidem spiracula solet esse exigua humorum exudatio, substantiam tenacem, viscidam & ulceris æmulam mediantibus crinium poris pleno alveo exudare posse testatur satis Plica Polonica.

2<sup>o</sup> Qui post capillorum depluvium à suscepto facile frigore in frigidum capitis dolorem incidere

H 3

solet,

solet, autor essem ut vel capillitio utatur, vel aliis capitis tegumentis ejus vicem suppleantibus, ut caput calore foveat, alias caput ex consuetudine nimium fovendum non est, prisca enim Medicina docuit, *Capiti nihil aque prodest atque aqua frigida.*

3<sup>o</sup> Quorum madidi agrestium in morem & impexi crines sordido quodam squallore per collum sparguntur, unde furfures Capitis mirè sobolescunt, vel iis capillitium suaderem ad prævenienda illa capitis incommoda ab illius immunditie oriunda; vel potius exorandi sunt, ut munditia non odiosa neque exquisita nimis, sed debita crinibus adhibeatur, sic omnis illius mali occasio adimatur.

4<sup>o</sup> In vitiis capitis subcutaneis, in omni genere scabiei, tinea & lepra, deraasio capillorum est necessaria; sic enim Topica hisce ulceribus administranda, remotis impedimentis, feliciori successu applicentur.

5<sup>o</sup> Et

5<sup>o</sup> Et ultimò, Capillitium summæ utilitatis erit iis, qui aulico temporum genio obsecundare student, quòd ornatum non auxilium quærunt, talesque inveniendi sunt, qui huic capitis tegumento in formam & pluchritudinem comparando, inhiantes, leviusculum capitis affectum aut accusant aut simulant, quamprimùm & facti sunt voti compotes, omnes omnia bona dicere & laudare fortunas quod Medicum haberent tali ingenio præditum.

Pari jure formosissimus sexus tæniis suis triplici serie dispositis, cæterisque id genus capitis ornamentis patrocinaretur, neque minus sedando capitis dolore conferre affirmare audeo.

— *Quod tot compagibus altum  
Ædificant caput.*

Deraasio capillorum venienti Atrophix occurrere passim docetur, quod non minus in Oeconomia Animalium quam in rebus Oeconomicis verum est, quòd parcimonia est

de essentia lucri, quo pauciores corporis partes alendæ venerint, eo uberius nutrimentum reliquis subministrabitur, partes illæ excrementitiæ dictæ sunt quasi corporis præda, dum nullus est ab iis ad sanguinem recursus, eodem nomine (quod veterenariis solenne est) caudæ equinæ amputatio clunium amplitudini ministrat. Sed Atrophix vel ex tenui nimis & seroso sanguine oriundæ, quod balsamo neutiquam condit, vel ex crasso & viscoso sanguine quod neutiquam attenuat; illis, inquam, Atrophix speciebus deraasio capillorum neutiquam opitulabitur.

Novi sapius hoc consilium à Medicis datum vel potius extortum, non quòd illorum ratiocinio aut experientix convenit, quin quòd patientes ex præconcepta opinione in iis spem suam & fiduciam collocant, quorum animis demulcendis non minus quandoque desudandum est, quam abigendis morbis, neque innocua, modò avidè petuntur, facile denegamus, dum eo pacto



pacto quadam quasi benevolentia patientum animos ad medicamenta alia & præstantiora allicimus quasi & invitamus.

Quòd deraſio capillorum admodum invaleſcit, quavis vel oculorum imbecillitate vel morbo; addam ſuperpondii loco, quod vel alia medicamenta comitatur, quibus exoptatum finem conſequitur, vel ſperato ſucceſſu caruit, neque rationi oppoſitum, vel quod ratio ſaltem eſſe videtur. Quod omnis oculorum imbecillitas vel morbus quocunque nomine indigitatur, vel eſt particulare oculi vitium à mala conformatione oriundum, vel ſanguinis & humorum circulantium vitiis debetur, quod neque organum melius diſponit, neque humorum circulantium vitia corrigit aut expurgat, remedii locum neutiquam meretur.

Monent demum literæ tuæ, quod uſus es numerosâ medicamentorum farragine, ex anilibus fabulis depromptâ. Quædam fuerunt valde frivola, quædam valde abſurda, cætera

cætera verò adeo periculosa, ut morbum inde plurimum exacerbari nequiquam demiror: Miror potius quòd non morbum cum vita finierant. Longè tutius visum est quovis ægro tante obstinatè quæcunque Pharmacæ recusare, morbumque suo genio duci permittere, quam illorum ministerio uti (consilio haud dici oportet, quod nihil non inconsultum est) qui rem Medicam illotis manibus tractant. Nonne longè optatius visum est ex sævitia morbi, ex naturæ legibus interire; Quam ex sævitia medicamentorum Empiricorum immaturo fato trucidari?

Sed novissimè ne potius tollere quam ponere videar: Si ab istius doloris pertinacialiberari petis, Venæsectio primum instituatur, quam indicant vasa tua sanguinea ultra superficiem cutis protuberantia, celebretur artu inferno, orificio latiori, quod crassior sanguis peccat, efluat ad duodecim uncias, quod copiosior est & vires admodum constant; sic quantitate illius imminuta facilius regatur

gatur Apozemate Cephalico methodo sub finem schedulæ præscriptæ. Malum tuum est internum, & generali sanguinis vitio debetur, internis itaque medicamentis succurrendum est, & copiosè propinandis, quòd sanguinis massa corrigenda est, quòd caput est in extremis corporis; sic medicamenta multum suarum virium deperdunt, priusquam eò appulerint. Sequitur purgatio & agmen claudit sudoriferum.

Sed dum hæc aguntur tempore opus est, universa sanguinis massa non est uno eodemque impetu, sed gradatim repetitis vicibus corrigenda. Hoc præmonitum esse velim, ne medicum necessaria tantum huic scopo inservientia meditantem, quasi iniquissimam mercedem ex supervacua curationis mora captantem criminaris.

Quibus rite & fideliter observatis quòd tuum est, *Neque enim Medicus sic se comparare debet ut faciat, quod factò opus est, sed & agri & adstantes*, Hyppocrates Aphorismo omnium

omnium primo. Inveneris hanc  
medendi methodum certam, tutam  
jucundam, Capillitium pro arbi-  
tratu tuo vel tibi asciskas vel rejicias,  
quod in casu tuo neque proderit  
neque nocebit.

Sicut adhuc singulari cum bene-  
volentia fecisti, amare perge

*Amantissimum tui.*

---

EPI-

---



## EPISTOLA X.

*De Hæmorrhoidum fluxu, quibus  
salutares audiunt.*

*Vir Dignissime,*

**T**E mira quadam animi lætitia  
gestientem, & triumphantis  
in morem, quasi in quemcunque  
morbum victoriam reportaveras ob  
Hæmorrhoidum fluxum nuper tibi  
supervenientem, docuerunt literæ.  
Eadem animi exultatio alios quos-  
dam morbos comitari solet, poda-  
grici nonnulli ob spem senectæ  
longevæ inde creditam adventu  
primo sibi solent gratulari, uxores  
gravidationi & proli procudendæ  
inhiantes, orto dentium dolore, &  
numerossima symptomatum cater-  
va sibi applaudunt, febris vernalis  
ad proverbium usque quasi Regibus  
tantum digna censetur, ipsa demum  
manantia ulcera suum patrocinium  
inve-

invenerunt, quo rationis & experientię jure quāve injuria, non erit in præsens dicendi locus, ne extra literarum limites, vel potius mandatorum tuorum vagari videar.

Lætariis admodum, Domine, te Hæmorrhoidum fluxu corripuisse, nec minus lætor profluvio isto hætenus me caruisse; justissimum tamen (quod mireris forsā) utriusque gaudium, tibi læta est occasio, sanguinem tuum quantitate vel qualitate peccantem, apertis venarum hæmorrhoidalium oris exitum satis tutum sibi patefacere; mihi lætitię locus est, sanguinem meum ita constitutum istiusmodi evacuationi ansam neutiquam dedisse; tibi laudabilem admodum effectum ex illaudabili causā contigisse, mihi illaudabilem illam causam nondum obtigisse; tibi demum eventum foelicem cessisse, mihi quod tali eventu non est opus.

Profluvii Hæmorrhoidalis causā neutiquam exoptanda est, nempe, sanguinis crassities & acredo, mediante crassitie sanguis minus foelicitè

citer suum circuitum absolvit, sed moras nectit, mediante acredine diuturniori mora aucta facile aperit vasa, & molitur exitum; sic acri & crasso sanguine evacuato hic fluxus tibi salutaris dicetur, nec mihi minus salutare visum est, sanguinem meum tam crassitie quam acredine orbem, fluorem debitum suum & circulum conservantem.

Hanc opinionem confirmare videtur hæmorrhoidum ex Aloe provocatio, ob insignem suam acredinem vasa quam facillimo negotio erodentem, acriumque Clysterum usus sæpius repetitus eundem fluxum concitaverit, nec medicamenta tantum, quin & alimenta ejusdem generis, ut multa comestio cæparum, alliorum, porri, & similium, tale profluvium induxerint; præcipuè comitantibus animi Pathematis, timore, tristitia, curis, vigiliisque, crassitiem acriori sanguini inducentibus.

Consistentis ætatis affectus sunt Hæmorrhoides, juniorum enim sanguis est magis balsamicus, & à fixiori acredine alienus. Si

Si sanguis magis crassitie peccat, tum hæmorrhoides cœcæ diutius tantum in sacco pendentes, audiunt; si magis acredine peccat sanguis, apertæ vocantur, sic statim exitum moliantur, sanguinem quantitate tantum peccantem, cæteris duabus qualitatibus exclusis hunc fluxum ciere minus probabile videtur.

Inde *Melancholicis, Lienosis, Nephriticis*, ut prisca Medicina docuit, hæmorrhoides salutares audiunt, & omnibus quibus acer & crassus sanguis nimium dominatur, ut bonus eventus causæ malæ, talisque sanguinis intemperies scilicet evacuationem nusquam loci invenerit.

Intemperies sanguinis audit, cum certa illa proportio qualitate & quantitate particularum sanguinem constituentium vel deficit vel superabundat, sanguis enim noster non est humor uniusmodi & simplex, sed heterogeneus.

*Sal* calorem sanguini largitur, ejusque motum accelerat.

*Spiritus*



## *De fluxu Hæmorrhoidum.*

113

*Spiritus* activitatem donat, & velut pulvis pyrius crassamenta quæcunque obvia in motum rapidiorem concitat.

*Sulphur* subtilitates illas involvit, ne in fumum abirent.

*Terra* volatilitatem nimiam reprimat.

*Aqua* demum ita diluit, ut abditissimos corporis recessus liberè permearet.

Idem jubet alimentorum varietas, testatur *Analysis Chimica*, & ipsius *Oeconomix Animalis* usus postulat: hoc pacto cerebro ministrat spiritus, hepati bilem, renibus serum largitur, semine fœcundat testiculos, ubera lacte distenta sunt, os demum irrigatur saliva, hæ omnes particulæ quantumvis diversæ, amicam tamen copulam & conjugium ineunt, mutuasque navant operas, ut toti composito bene cedat: Sin verò particularum sanguinem constituentium certa illa & justa proportio nec deficit nec superabundat, quin quoddam fiat quasi æquilibrium *Temperamentum* ad pondus vocatur,

tur, foelicitas quæsitâ potiùs quàm reperta arbitror.

Hæmorrhoides præservant à Pleuritis, Peripneumonia, Phagadana, & à furunculis Terminthis & Aphthis, itemque à Lepra, autore Hippocrate, ut plurimum istorum morborum causas evacuando eventus tam auspiciatus succedit, sed prognosticum illud non semper respondet votis.

Interdum tamen nimium invalescit hîc fluxus, & eadem incommoda secum adducit, quæ cætera immodica sanguinis profluvia sequuntur, viz. Cachexiam & Hydropem, quandoque inflammationes & exulcerationes inducit, facessit molestiam cum acuto satis dolore conjunctam. Non est tamen ut hæc gaudium tuum penitus interrumperent, quin potiùs ut temperent.

Rogas porrò, Domine, ut curiositati tuæ gratificarer & mechanicè explicarem, quo pacto fit, ut Venæ tantum hæmorrhoidales sanguinem suum hoc modo peccantem effunderent, cæteris venis penitus occlusis.

Ratio

## *De fluxu Hæmorrhoidum.*

115

Ratio & varia est & multiplex.

1<sup>o</sup> Ob sanguinem venosum ibidem loci crassiores atque aciores: sanguis volatilior petit superna, serosior diluendo & macerando sanguinis circuitum plurimum accelerans tam renum ministerio quam cutis cribris foras amandatur, pars sanguinis chylosa atque balsamica nutriendis partibus impenditur, priusquam eò appulerit, inde reliquus sanguis necessaria causarum serie acrior, & crassior evadit in extremis corporis oris.

2<sup>o</sup> Quod sanguis istis venis contentus assurgit ad lineam rectam, inde crassi sanguinis ascensus multo operosior. Idem in pedibus œdematosi observare licet, qui interdum erecto corpore in miram molem assurgunt, cum verò in humum reclinamus, & pedes erigimus, vel noctu lecto commissi, faciliorem versus cor recursum experimur & tumor paulatim evanescit.

3<sup>o</sup> Ob tantam à corde distantiam sanguis ægrius molitur reditum,

I. 2. quod

quòd minori vi à tergo impellitur, sic diutius in venis sistitur, quas pondere suo & mole admodum distendit. Sic laboriosior ascensus est ob distensionem vasorum, & faciliior exitus ob acredinem.

4<sup>o</sup> Quod cavitas est, sic vasa sanguifera non æquè premuntur ab omni latere, ut in partibus solidis, sic sanguis crassior faciliùs hæret, & acrior citiùs exitum perterebraret. Eodem nomine hæmorrhagia narium frequentior sanguine acri & tenui, sanguine verò acri & crasso fluxus hæmorrhoidum.

5<sup>o</sup> Nixus iste vehemens in durioribus fæcibus excludendis vasa ista hæmorrhoidalia prædicto sanguine infarcta, non alia, suo transitu premendo, aliquantulum conferat; ubi crassior est sanguis, ibi omnia vitæ munia tardiora; sic tardior alvus familiare admodum malum est hunc fluxum pati assuetis. Eadem ratione ob vim hisce venis illatam mulieres quandoque ex difficultate partus idem profluvium patiuntur. Sic quæ non possunt singula, multa juvent. Etiam si,



Etiamſi, Domine, conſilium ſuper hac re Iatricum ex proſuſo animi gaudio expoſcere oblitus es, pauca tamen ex propenſo meo erga te animo monenda venerint hunc affectum ſpectantia, quibus obſervatis, valetudini tuæ ſœlicius propicias.

1<sup>o</sup> Hæmorrhoides cœcas, niſi maxime tument, & magnum dolorem inferunt, potiùs naturæ committere, quàm aperire præſtat.

2<sup>o</sup> Hæmorrhoides fluentes (niſi diutius perſeſerat, aut ſæpius redit fluxus, quàm facile ferant vires) nullo modo cohibendas, ſed & iſtud naturæ molimen ſibi relinquendum.

3<sup>o</sup> Neque medicamenta neque alimenta hæmorrhoides proritantia ſumenda ſunt, dum Natura in ſuo opere perſiſtit.

4<sup>o</sup> Si dolore admodum ſæviente, externis ſubſidiis opus eſt, potiùs externis ſotibus quam unguentis confidas.

5<sup>o</sup> Si morbus tibi impenderet, quo ſanguis educendus, & hæmorrhoides

rhoides non fluunt, è venis sedalibus admotis hirudinibus effluat, sic artem Naturam imitari magis proficiat.

6<sup>o</sup> Cavendum tibi demum est sedulo ne frigus contrahas in posterioribus, insidendo in saxo frigido aut terra humidiori, potius hæ partes fovendæ sunt; in quem finem pulvillis inside, ne tam auspicata Naturæ Crisis in morbosum affectum degeneraret.

Supersunt tantum vota, ut feliciter tibi cedat hic fluxus Criticus, tum ad valetudinem instaurandam, cum ad vitam protelandam, quod sum, Vir plurimum Colende,

*Devinctissimus.*

**EPI-**

## EPISTOLA XI.

*De alvo astricta, quo pacto  
contrahitur & qualem mede-  
lam exigit.*

*Domine,*

**Q**uerelam nuperam tuam ( uti  
jusseras ) detuli ad Celeber-  
rimum Doctorem, ut collatis unà  
consiliis, tibi, viro quàm mertissimè  
utrisque charo, opem Medicam im-  
ploranti, tutius & citius subvenia-  
mus.

Quòd alvus tua officii sui imme-  
mor per triduum vel quatrimum  
existit causarum varietati debeatur,  
originem suam quandoque debet  
temperamento corporis, quandoque  
vivendi generi ortum suum & incre-  
mentum, modò utriusque causæ  
fit combinatio affectum admodum  
obstinatum inducent.

1<sup>o</sup> Segnities alvi segniori sanguini debetur, unde incommodum est melancholicis familiare, quorum sanguis quasi Caput mortuum volatili suo oleo & spiritu orbatur, nihil miri in se continet, modò secretionem ex illius gremio instituendâ segniùs perficiuntur, bilis illa in fistulam intestinale exoneranda ad exclusionem fæcum irritandum, vel ob crassitiem suam promptuario suo asservatur, vel in sanguinem regurgitat, unde Icterus accersit, modo exitum patentem invenerit, adedò obtorpescit, ut potiùs quàm stimulat, moras nectit. Succus ille Pancreaticus fistulæ intestinalis madori inserviens, quo pacto lubricitas alvi concitatur, vel parciùs suppeditatur, vel lentore suo & aciditate tali egressui minùs favet.

2<sup>o</sup> Academicum illud quod ornas vitæ genus (quod non nisi invitò culpâ licebit, quod reipublicæ literariæ malè cedat, modò studiis valedixeris) segniori alvo plurimum contribuit, non tantum impallescere chartis sanguinem depauperat,



pauperat, quin & indefinens illa fessio, legendis libris solennis, quasi obtundit prima illa alvi spicula, egressus fæcum prodromen, quo pacto inhibet dum auscultare & promovere oportet, literati accelerandis studiis incumbentes stimulantem dejectionem vel minùs advertunt, vel differre cupiunt; interim fæces indurescunt, & ubi aliquoties ita fecerint, mox natura abierit in consuetudinem.

30 Mensa astrictiori alvo plurimum confert, acida quibusdam pro condimentis habita, multo magis acerba & austera culpanda veniunt; hoc (uti mihi videtur) nomine, quod istiusmodi edulia cavitatum fibras contrahendo ita occludunt, quod istarum partium mador à Lymphaticis depluens ad alvum lubricam reddendum desideratur. Vulgaris admodum instantia idem docet, post acerba aut austera assumpta os nostrum totidem rivulis irriguum penitus arescit, lingua nostra ineffabili quodam artificio ad motum condita quasi immobilis per-

perstat. Obstupescunt porro & dentes ipsi omni sensu destituti ob vim nervis illatam, si talis constrictio in ore illorum masticationem tantum sequitur, qualis sequitur diuturniorem illorum moram in ventriculo & intestinis, vina & cerevisiæ nimio acido onusta pari jure culpanda, nec non Aromatica & exiccantia, cibus ægre digerendus, ægrius excluditur, fructus immaturi non tantum constipant alvum, verum etiam occludunt.

4<sup>o</sup> Nec culina tantum, quin ( quòd mireris forsàn ) & ipsa Pharmaca toties repetita sæpe sæpius hoc malum accersunt, frequens purgantium usus partium istarum tonum ita debilitat, ut alvus muneris sui immemor remanserit, nisi arte sollicitatur. Pessimus corporis habitus, nec nisi assueta purgandi frequentia facile comparandus. Violenta purgantia ( qualia ferè nusquam non ab hujusmodi affectis desiderantur ) minus proficua censenda sunt, profusa istoc pacto alvus in parcimoniam degenerat, nume-

numerosas admodum sedes sequitur pertinacior astrictio; rogas quid fieri oportet, suo loco dicendum est.

5<sup>o</sup> Hoc infortunium sæpe accidit Herniosis, quorum intestina debita sede derurbata novum & insolitum situm acquirunt; intra tales angustias unum & alterum facile comprimunt; qua compressione fistulæ intestinalis cavitas aliquo modo deleatur; si deletam cavitatem non sequitur pertinax quædam obturatio, laboriosior saltem exitus concedendus.

Hujusmodi ( Domine ) causarum investigationi insistere necessarium esse duximus, ut tibi plenè satisfaciamus quo pacto in talem affectum incideras, & ut remedia certius adaptentur: sublatâ causâ tollatur effectus.

1<sup>o</sup> Austeritas sanguinis, cui semper comes est vexatissima alvus, edulcoratione eget, in quem finem Martialia egregiam opem præstabunt. Eadem sanguinis intemperies melancholiam accersit, quo morbo

morbo secretiones uniuscujusque generis segniores evadunt, copiosior verò illa (quam par est) feri præcipitatio per vasa salivalia derivata melancholicis familiaris (ut plurimum sunt Sputatores maximi) huic querelæ multum contribuit, facto enim tali feri sanguinis dispendio mediantibus oris canaliculis, ubi nimietate nunquam peccat, habent enim corpora arefacta, cæteræ feri collyciæ penu suo orbatæ madorem illum universo corpori & per consequens intestinorum fistulæ largiri nequeunt; quo pacto fæces non tantum segnius ex sanguinis gremio fecernuntur, quin, dempta intestinorum lubricitate, ex Lympha parcius subministrata diutius quasi custodiis asservantur. Apozemata acidum domantia & universam sanguinis massam perluentia egregiè conferent; non tamen citò effectum suum consequuntur, sed tutò, sed jucundè.

2<sup>o</sup> Sedentarium illud quod instituis vitæ genus necessariò est interrumpendum, dum nusquam ferè non



non affides libris, sanguis tot moras  
nectit, ut parum abest quin stag-  
nationem patitur, cum exercitium  
& apricus aer sanguinem eventilant,  
illius circuitum accelerant, secre-  
tiones promovent, & impuritatibus  
orbant, quibus intus coercitis de  
sanitate conclamatum est, prima  
alvi spicula observato, & morem  
gere. Vis naturam tibi obsequentem,  
illius nutui quamprimùm obsecun-  
dare oportebit, alias spreta & ne-  
glecta recalcitraverit.

3<sup>o</sup> Hoc incommodum alvi sæpe  
debetur culinæ, Aromatica exicca-  
tione nimia, austera contorsione  
fibrarum, crassa particularum sua-  
rum segnitie, in hanc classem refe-  
renda sunt; constipata alvus huic  
mensæ apparatus debita talium tan-  
tùm usum sequitur, nisi tantâ fre-  
quentiâ sumuntur, ut universa san-  
guinis massa eorum viribus impræ-  
gnatur. Talia igitur evitare, qua-  
lia ipsa valetudinis ratio tanta ex-  
perientia munita tibi jubeat, non  
est ut moneamus, liquidis verò fre-  
quentius quam solidis vesci oport-  
tebit.

tebit. Prunorum, passularum, & pomorum assorum usus subinde consulendus.

4<sup>o</sup> Nec culina tantum quin & Pharmacopolium ejusdem imprudentiæ insimularetur, nimia illa purgandi frequentia spontaneas sedes tollit; sic natura quasi repudiata officio suo penitus vacat, modò res eò processerit, gradatim desuescendum est, & loco fortissimorum purgantium, quorum tibi solennis sed minus laudabilis usus fuit, Electuarium hoc laxativum consulimus præscripto more sumendum.

Quantitas una vice sumenda sat viribus pollebit ad sedem unam & alteram educendam, nec pluribus opus est, modò fæces alvinæ exeunt, voti compotes sumus.

Summo mane sumatur, non tantum ob fæcum cumulum noctu collectum, quin ut natura ad matutinas evacuationes subinde laceffita, easdem sponte sua demum exeat, in hunc finem opportunum esse ducimus, ut omni mane non minus  
inerti

inerti quam stimulante alvo, illam exonerandam moves, neque te deterreat quosdam conatus irritos fecisse, Natura tandem aliquando auscultaverit.

Cavendum est ne nimis frequens sit Electuarij usus: suademus potius ut non nisi post tridui intermissionem sumatur; sic natura sibi relicta munus suum felicius absolverit.

Nec regimine opus est dum sanguinem vix ingreditur. Ita demum compositum est hoc medicamentum, ut neque præsentes flatu, nec futuram astrictionem pertimescas, aquarum demum purgantium usus Vere & Autumno consulendus.

50 Cum astrictior alvus Herniæ intestinali debetur, artificio Chirurghi opus est. Ut intestina in debitam sedem reponantur, admovenda sunt subligacula ne iterum relabentur, quæ debent tam accuratè & arctè sine pressione claudere corpus, ut dorsum cultri non potest intrudi, postea regulas solutiorum alvum spectantes cum aliis observare tenetur.

Hæc

Hæc sunt illa (Domine) quæ peritia Medica ( si tali vocabulo uti liceat ) nobis suggerit, quæ amicitia jura præstanda postulant; sin minus optatum finem assequuntur, quod avertat ! aliâ insistendum est viâ. Ad vitia sanguinis tollenda opus erit cursu medico, patientia tua & industria: utcunque se res habuerint, invenies nos quovis tempore, & quavis occasione quæcunque tua jussa capeßere

*Paratissimos.*

---

EPI-



## EPISTOLA XII.

*An graviditas ex inspectione Urinae prædici queat ?*

*Domine,*

**P**Ræfari expediat, Urinam ex sanguine constare, quo, circulationis lege, ad renes appulso, mediantibus illorum cribris, secretio ex sanguinis gremio instituitur, & ureterum canaliculo in illius cisternam depluit & asservatur, donec Urina quantitate vel qualitate aucta vesicam ad excretionem stimulat, eandem originem, eandem separationis methodum, eundem demùm exitum utrique sexui competere nemo dubitat. Quod inde deduci vellem, verbo dicam, quòd lotium ab ipsis gravidis excretum, nullum habet cum utero commercium, neque multum sibi arrogaret Vesica, quod proximè adjacet, eodem

K

dem nomine intestinalis fistula idem jus sibi vendicaret, & indubitata graviditatis signa non minus durioribus sæcibus quam tenuiori lotio delitescant; quod si vel suspicaretur credulum & auritum vulgus, non tantum matulas lotio onustas, quinetiam & pyxides sæcibus refertas, graviditatis explorandæ ergô, ad hos urinarum negotiatores deportarent, quibus si manum admoveere recusaverint, nec gloriam, nec quæstum indè comparabunt.

Graviditatem ex urinâ unicâ, cæteris quibuscunque symptomatis exclusis, (aliàs hoc dogma non tangit) dignosci quis opinabitur? dum nulla peritia medica urinam mulierum ab Urina virorum distinguere valeat; pallidiorem esse fæminarum urinam sæpe accidit, sed non semper, quod minùs exercitiis deditæ sunt, quod crassioribus alimentis vesci solent, quod vino & generosis liquoribus minùs assuescunt; sed idem viris cachecticis, pituitosis contingit; nec intactæ virginis lotium ab Urina prægnantis, dignosci

dignosci queat. Frequentius mingunt prægnantes, quod uterus mole auctus fundum vesicæ comprimit, sic citius ad extretionem provocat; sed organica illa uteri amplitudo urinæ vesicâ contentæ, graviditatis vestigia imprimere nequit.

Qui ~~sequevitas~~ famam sibi aucupantur vel inani conjecturâ utuntur, quæ sunt semper incertæ, sæpius falsæ, quandoque dum par aut impar veræ perhibentur, foeliciter cedit quod *Natura intellectus humani magis afficitur affirmativis & activis quam negativis & privativis.* Verulam. de augment. Scient. lib. 5. cap. 4. Sin itaque fallax Urōmantæ conjectura vel semel auspicato eventu famigeratur, plus increbescit rumor, quam si vigesies fallaciam prodit. Neque tanta est nostrorum Aruspicum infœlicitas ut ne casu quidem unquam fiat, quod illi verum esse prædixerunt.

Sed quodd crebrius iis in more est, callidâ quadâm versutiâ rem aliter exquirendo indagantes, notitiam

K 2 suam

suam Urinæ inspectioni falso ascribunt. Sic famulorum ministerio quasi aliud agentium sæpe expiscantur ægrotantium circumstantias, quibus hero suo communicatis Oraculis ipsis Delphicis certitudine contenderit; hoc facti sunt magis ingenui, alii (quod agitur de pane lucrando) tacere coguntur.

Uxor quædam (cujus maritus de scalis deciderat & ægrotavit) arreptâ matulâ ad curiosum quendam hujus scientiæ artificem rectâ contendit. Mulier querimoniis plena liberè exposuit mulierculis juxta assidentibus lugubrem adventus sui rationem. (Diu expectandum est priusquam admittuntur, sic major accedat veneratio, sic foelicius captant occasionem servuli, tam curæ quam quæstûs participes, ad ægrorum morbos ex ore suo dignoscendos, nec multâ calliditate opus est, quod mulieres, præcipuè ubi querimoniis locus est, non admodum taciturnæ perhibentur.) Ancilla juxta ostium confedens victum infantulo ministrans



strans querelæ causam exaudivit, statim illacrymavit infans, ancilla intus se recepit quasi ad ploratum illius abigendum, statim quicquid audivit hero exponit, post diutinam expectationem mulier vocatur, quæ maritum suum graviter decumbentem conquesta est. Uromanta sui similis, Non verbis opus est dixit, ostende matulam, quâ porrectâ & Lynceis illius oculis visâ, maritum suum de scalis decidisse affirmare ausus est. Tam inopinatæ veritatis mentionem mulier præ gaudio vix ferre potuit, unde feracem admodum occasionem captat pro libitu suo comminisci, & quod iis istiusmodi dolis sese immiscere solenne est, præ cæteris ad comminiscendum ingeniosi inveniuntur; sic arreptâ matulâ & artificiosissimâ quadam dexteritate agitatâ sibi tantum (ut dixit) peculiari: tanta inquit est peritia mea (quam imitari student plurimi, sed nemo hætenus repertus est mihi comparandus. Admirantur universi scientiam meam uromanticam, & quid

tantam admirationem mereatur? Non opus est ut mihi laudes tribuam, cumulum dabit universa provincia.) quodd ex inspectione huius urinæ pronunciare valeo ex quot scalis maritus tuus decidit, ex undecim scalis decidit. Mulier respondet lapsum fuisse graviolem, quod ex quindecim deciderat. Uromanta neutiquam erubuit, quin statim rogat, num omne lotium adduxerat quod maritus primâ vice excernebat? Negat mulier, quodd vitrum totum non contineret. Respondet alter eo pacto quatuor scalæ sunt domi relictæ, decies enim iuravit tantum undecim ex isto lotio conspiciendæ venerant. Mille istiusmodi exemplis liquidò constat, quodd vel relationibus ab aliis communicatis, vel mendaciis quibusdam ingenuis, Protei speciem imitantibus, famam suam aucupatur hoc hominum genus.

Non tantum ambiguo vel obscuro verborum artificio, aruspicum more, quin & fortuitâ illorum interpretatione quandoque non admodum abludunt

abludunt à vero, quo pacto scientiæ Uromanticæ gloriam intendunt.

Medicum adit ancilla, Dominæ suæ Urinam gestans, & Medicum rogat quo morbo hera sua laboravit. Peritus & probus Medicus respondet, repulsæ more, Putasne me posse ex inspectione Urinæ divinare, quot dentes in ore suo habet? Domum repetens serva, Dominam suam certiore fecit Medicum dixisse ex inspecto lotio illam fuisse edentulam, quæ mala verborum medici interpretatio ad amussim quadrabat cum rei veritate, erat enim præ senio dentibus orba, sparso pervagatoque rumore peritia Uromantica admodum inclaruit & justissimum meritis suis cumulum addidit.

Graviditatis indicia Urinarum inspectioni falsò ascripta, cum neque fallaci quadam conjectura, nec callido famulorum ministerio, nec quovis alio artificio expiscantur, tum symptomatis vel enarratis vel extortis prægnantes concomitantibus deberi solent.

Cum animum ad Medicinam ap-  
puli, & in illustri Academia Pro-  
fessores Practicos in visitandis noso-  
comiis pro more loci comitari sole-  
bam (ad id enim honorario pub-  
lico instituuntur, ut nobis præsen-  
tibus quibuscunque consilium im-  
plorantibus gratis administrarent)  
paupercula quædam marito juncta  
consilium implorare accedens, que-  
remonias instituit de vomitu subinde  
superveniente, de nausea & ciborum  
fastidio. Medicus rogavit num sub-  
stiterant menses, sed negavit. Con-  
tractato pulsu & quæstionibus qui-  
busdam additis, matulam petiit, quâ  
visâ, pauperculam gravidam esse pro-  
nunciavit. Urina fuit quam sanissi-  
mis simillima, adstantium ægrorum  
turba non pateretur illum tunc tem-  
poris quæstionibus fatigari. Pe-  
racto itaque officio iatrico, unum  
ei ex intimis ad ædes suas dimisi-  
mus expiscari privato sermone, qui-  
bus indiciis illius pauperculæ gra-  
viditas ex inspectione matulæ di-  
gnosci potuit. Subridens Professor  
dixit egenam illam utero concepisse  
facile



facile credidit ex symptomatis ab illa recensitis (fluunt quandoque menses post graviditatem) illam opinionem confirmavit Urina tam naturalis & sana, quæ non fuisset, modo symptomata prius recensita alteram originem habuissent. Eandem opinionem modestè asserit Gabelchoverus, *Si Urina in iis quibus suppressi fuerint menses omni ferè labe vacarunt, & ferè ex toto naturales fuerunt, tunc conceptus spem has ipsas Urinas fecisse; sin vero praternaturaliter suppressi fuerint menses, hoc ipso vix fieri posse quin mutantur, & subinde tenuiores & pallidiores interdum simul crassæ ac turbidæ fiant Urinæ.* Quibus obvium est, signis graviditatem pollicentibus hæc nota Urinaria desumitur. Quibus inauditis sive sit Viri sive foeminæ, sive sit prægnantis sive intemeratæ virginis Urina, ne oculatissimus quispiam, nisi conjectura assequi valet.

Sed rogares, Domine, num urinarum inspectio prorsus inutilis est?

Prorsus

Prorsus inutilis est ad graviditatem docendam, sed magni momenti esse potest in quibusdam casibus, si simul ad ægrum voceris, vel illum prius recte noveris, vel de morbo ejusque circumstantiis planè & plenè instructus fueris. Illius indicii quandoque letho ægrotantes nostros adjudicamus, quandoque salutem pronuciare valemus, quorundam morborum genium quibus cum sanguine commercium (qualis Urina, talis sanguis) notum fecerit. Crisin docebit, declinationem testabitur, modò cæteræ circumstantiæ benè perpenduntur: alias nuda Urinarum inspectio vel oculatissimum Medicum spe inani subinde lætabit.

Prudenter itaque ægrorum salutem prospexerit Collegium Medicorum Londinensium, quod statutis cautum est, quæ data fide observare tenentur, ut, *Nemo sive Socius, sive Candidatus, sive Permissus consilii quicquam impertiat super urinarum nuda inspectione.*

Prolixior fui, quod refellendis  
falsis quam profitendis veris plus  
temporis impenditur; excusatum  
ergò habeas rogo,

*Tui Studiosissimum.*

**EPI**

## EPISTOLA XIII.

*De Virginis cujusdam Gallicæ  
triginta & quinque septima-  
nis ab omni cibo potuque ab-  
stinentiâ.*

*Vir Egregie,*

**C**URIOSITATI vestræ satisfacere u-  
tinam mihi datum erat : pro  
virili tamen contendam, sin minus  
explere animum tuum tam rerum  
sciendarum avidum valent humeri,  
nil tamen ferre recusaverint.

Mirari subest mirum illud quod  
per literas memoras abstinentiæ ex-  
emplum, sed magis miratus fu-  
issem, modo illius exempli verita-  
tem indicio tuo certam & indubi-  
tatam affirmaveras, quod omnium  
in ore est sæpe à veritate quam ali-  
enissimum est, quo pacto fit nescio,  
sed falsa latius vagantur & disse-  
minantur,



minantur, dum vera domi latent, vel tantum repunt foras.

Virginem triginta & quinque septimanis valetudine non admodum læsa omni cibo potuque abstinuisse primò vulgata fama tibi innotuit, postea rerum historicarum quovis mense concinnatarum typis passim legebatur.

Rogas num fieri id potest ?

Si fit, fieri potest, & passim apud Autores occurrunt istiusmodi abstinentiarum exempla, imò totidem annis ab omni cibo potuque abstinuisse vulgo traditum est. Istiusmodi exemplorum numerus haud parvus existat apud Licetum Professore Patavinum, qui prolixè & operosè ex professo egit *de his qui diu vivunt absque alimentis*, & quod admirationem tuam auxerit, vel potius commiserationem moveat, ut plurimum sunt Virgines.

Sed rariùs nunc dierum vulgata sunt istiusmodi abstinentiarum exempla, nec iniqua admodum ratio videretur, modò dixerim, quod rariùs creduntur. Uti olim observavit

Livius

Livius, *Prodigia multa nunciata sunt, quæ quo magis credebant simplices & religiosi homines, eo magis plura nunciabantur.*

Hippocrates libro *αἰσχροῦ* inedi-  
am lethalem esse censet, quæ septi-  
mum diem excedit, cui ascribit Ma-  
crobius; sed Plinius aliique longius  
tempus assignant, sed res ista va-  
riat ex circumstantiarum varietate.

Qui crasso & viscoso sanguine,  
quo pacto melancholici audiunt,  
laborant, inediā diutiùs tolerarent  
citra mortis formidinem, cum ij  
quorum sanguis bile vel acido vola-  
tili uberius imprægnatur, citius suc-  
cumbunt letho. Neque corporum  
tantum quin & locorum varietas  
rem aliquantulum immutaret, fu-  
mosis urbibus quasi invito ad men-  
sam accedimus, cum aperto & a-  
prico aere provocamur, perflato  
Galliarum aere vel dejecti appetitûs  
rarissima querela, istoque tam fa-  
melico aere nihil in diem unum &  
alterum appetere haud minus rari  
esseprehenditur, quam crasso &  
esculentis quasi gravido in totidem  
hebdomadas saturari.

Virgo

Virgo quædam Harlensis melancholia summa oppressa, tandem religionis quasi æstro percita, ( iustum enim cœlestem, ni malè memini, commenta est ) cibum omnem potumque penitus respuebat. Parentes omnem lapidem movebant, nec parcebant sumptibus, ad Virginis animum immutandum; Divini verbi præcones sanctimonia & auctoritate notos accersebant quorum suavis & precibus sperabant illam tandem aliquando adduci, ut cibum capefferet & viveret; sed illorum hortatum haud secus ac cibum ipsum penitus averfata est. Medicos postea ad illam vocant praxi fœlices, qui statim imminentis periculi monuerunt, sed medicamenta alimenti vicem supplere sibi obtrudi neutiquam pateretur, nec minus illorum consilio aures, quam alimentis os obturavit.

Post mille rethnas incassum usurpatas, vel ut clanculum victum ministrarent, vel hortatu publico prævalerent, parentes tandem vicinæ suavis ad prandium invitant  
charis-

charissimorum amicorum gregem, quorum lepidò & festivo sermone ad capeffendum cibum adduci posse sperabant. Virgo mille amicorum precibus fatigata & tandem victa, accumbit mensæ, actis Deo gratiis, & mutua salutatione defuncta, ad prandium quàm ocysfimè se parant. Virgo penitus filebat, & visâ est tacitâ mente aliena revolvere, tam convivii quam convivarum negligens, post aliqualem temporis intercapedinem una ex honoratioribus, veniâ prius impetratâ, gustare incoepit, secum reputans, prægustare aliis post tam famigeratam abstinentiam forsan erubesceret virgo, cum nos comitari vel sequi vix recusaverit, saporem jusculi mirè laudavit, gustare iterum & sæpius flagitat, & quasi repulsam ferre noluerit, jusculum juxta illam apponendum curavit, quod quamprimum torvo vultu intuita est Virgo, quasi cacodæmone quodam exagitata, exporrectis utriusque manibus & in ferculum iteratis vicibus coniectis, accumbentium facies,



cies, assidentium vestimenta, totius mensæ ambitum miro quodam stillicidio irroravit, quasi non minus ægrè illorum esum, quam illi illius inediam, pateretur. Sibi demum relicta, eodem proposito perrexit infælix Virgo, donec illuxit decimus tertius dies, quo vitam morte commutavit.

Refero hanc historiam, Vir Eximie, quod vitam absque alimentis diuturniorem neutiquam credo. Miror potius illam tamdiu supervixisse, corpus nostrum in continuo fluxu esse, continuoque ejus aliquid dissipari & absumi, & propterea alimentis quibus id quod absumitur instauretur, indigere, Vestalis ignis noster appposito jamjam foco aliquamdiù scintillaverit, sed non nisi subministrato subinde ligno continuabitur, parum admodum quo minus extinguitur, inhiberet, sed nihili nullæ sunt affectiones.

Ægros quosdam, morbis tum Chronicis tum Acutis correptos, vitam protraxisse vel parcissimi alimenti usu novimus, sed inter ali-

L

quid

quid & nihil est magnus hiatus.

Septem abhinc annis Maniacus quidam Harlemi ædibus pro deliris inclusus, *Dol-huys* vocatis, Sacrosanctum Salvatorem suum quadraginta dierum jejunio imitari voluerit, cibum quemcunque oblatum repudiavit, & potum, nisi aquam simplicem, quam assatim hauriebat: Fuit etiam & peti amantissimus, cui liberiùs tunc temporis indulsit, & Indorum instar nicotianâ famem solabatur & supervixit, aquâ simplici (hirudinum more) & peto ali-quale vitæ subsidium ministrante.

Viri mente capti diutius aliis abstinentiam patiuntur, quod latrantis ventriculi stimulos minus advertunt, & hîc uti in re militari prima coitio est acerrima, post diuturniorem inedia[m] vel minus lacerantur ventriculi fibræ, vel laceratæ minùs suo funguntur officio.

Sed urges, Domine, in hujus abstinentiæ patrocinium virginem hanc antedictam neque lotium excernere, neque excrementa. Ratio dicat, quo minus est corporis dispendium,

spendium, eo minori instauratione opus est ; sic ubi dispendium plane nullum est ibi instauration nulla exigatur. Sed quid si serum intra sanguinis confinia continetur, nec exitum quærunt scybala durante tanto abstinentiæ intervallo ; ergo nullum est corporis dispendium ? Consequentia potius nulla est, dum pori corporis aperiantur. Porro uti memoras sudore subinde diffluit, nec desunt purgationes menstruæ ; sic parciore evacuationes tantum sistuntur, copiosiores verò permanent, majus enim est humani corporis dispendium per insensibilem transpirationem tam accurate ab experimentis Staticis observatam, quam per cæteras quascunque collycias, ergo instauratione indiget nec parca nec infrequenti.

Tandem posthabito rerum naturalium scrutinio ad sacram quasi anchoram te recipis & providentiam Divinam in subsidium vocas, eandem illam providentiam haud temerè suspicimus & veneramur, nec minus conspicua est Providen-

tia Divina rebus naturaliter constitutis & constantem ordinem asseruantibus, quam extraordinariis humanæ mentis aciem superantibus. Verbo dicam, haud minus inclarescit Providentia Dei quoddam quotidiano victu reficimur & vivimus, quam quoddam victum in humanæ vitæ sustentationem conditum denegamus, nec morimur.

Sacro sanctum Salvatorem nostrum quadraginta dierum jejunium tolerasse, prout sacra pagina docet, nemo dubitat; sed pro miraculo habetur, quod non fuisset modo homines possint vivere absque alimentis. Paucis itaque accipe quod sentio, istiusmodi abstinentiarum exempla vel sunt miracula, vel (sit venia verbo) fabellæ.

Nec defuerunt pauperes ad istiusmodi fallacias simulandas quo pacto eleemosynarum aucupium foelicius instituerent.

Est literata admodum inter Medicos controversia, utrum nutrimentum corpori impertiatur alias quam per Os. Quidam contendunt Clysterum



ſterum nutrientium ope pabulum corpori ſubminiſtretur, non obſtante valvulæ Coli obice, lactearum venarum miniſterio inteſtina craſſa perreptantium, cæteri poſt iteratas diſſectiones iſtiusmodi venas dari penitus negant; alii per olfactum vitam aliquamdiu ſuſtentari putant, quorum ſpiritus pororum opportunitate recto tramite ad ſanguinem ferantur, uti vinum ſæpius in ore collutum, citra quam forbeat, ebrietatem induxerit, ſed iſtiusmodi caſuum infrequentia poſitivam omnem vel ponendi vel tollendi certitudinem demit.

Referunt hiſtorici animalia quædam diù vitam protrahere abſque alimentis, limaces per integram hyemem arcta cuſtodia detentos delituiſſe, & inſequenti vere ad paſtum rediſſe, Animal ad inedia tolerandum præ cæteris quaſi natum ob frigiditatem, paucitatem & viſcoſitatem ſanguinis.

Referunt nautæ hirundines urgente bruma ſub aquis diſperſas cætervatim reperiri vel mortuas vel

mortuis consimiles, verno calore fermentationibus auctis reviviscere.

Referunt oculati testes ranas in sinu Hudseïensi subitaneo gelu constrictas, sæviente hyeme immobiles permanfisse, & summa circumstantiarum acribeia vitæ expertes, quas si vel foco culinario paulatim incallescere fines, novam calore vitam obtinent, vel accidente calore verno post statum tam famelicum tam diurnum turmatim in pedes se conjiciunt.

Utcunque res Avium Animaliumque sese habent, ab iis ad hominem non valet consequentia.

Percellunt admodum animum istiusmodi stupenda & inaudita prius rerum & personarum exempla, mentique causarum investigationi deditæ, nec insolitis relationibus valde credulæ, neutiquam satisfaciunt, irritant potius ad alia atque alia dignoscenda, & insita est plerisque hominum libido abdita rimandi, obvia prætereundi. Idcirco quorundam Medicorum Londinensium jussu exorandus es, Vir Egre-

gie,

gie, ut eâ quâ polles gratiâ & auctoritate apud Virginem vicinam tuam, rarissimum abstinentiæ exemplar, uti digneris, ad illius Londinum adventum persuadendum, neque domi delitefcats Virgo, quæ ad peregrinationes suscipiendas præ cæteris quibuscunque vel nata vel instructa videretur. Et singularis benevolentia tuæ mihi pignus dabis, modo Dominam ad ædes meas invitaveris, locumque ad abstinentium commodiorem nusquam invenerit, meque summo officio & summa observantia tibi in perpetuum devinxeris.

*Servum humillimum.*

L 4 EPI-

## EPISTOLA XIV.

*De Strumarum ratione, quibus  
sanandis Contactus Regius  
celebratur.*

*Charissime Vir,*

**F**iliam tuam natu minimam glandularum morbo affici, Strumis dicto, nuper mihi significasti, inter meditandum ( uti jusseras ) istius morbi medicationem, servus tuus intrat anhelu cursu festinus, literis me monentibus, Regi unum è sacris domesticis tibi consuluisse, ut spretis aliis medicamentorum suppetiis filiam tuam contactu Regio sanandam mitteres, operamque suam ad favorem illum obtinendum quavis occasione, humanitùs tibi obtulerat. Rogas quid consulendum puto.

Abfit, Domine, ut vim Regiam quasi cœlitùs delapsam creditam, &  
mira



mira hominum frequentia stipatam, in sanandis strumis vel in quæstionem revocarem. Contactus Regius à multis retro sæculis, ab ipsis Edvardi Confessoris diebus solenne sacrum habebatur, advolant ab extremis Angliæ finibus & ab exteris aliquot regionibus, spe pleni sanationis, hoc morbo correpti, modò ad Sacræ Majestatis genua se provolverent. Ab anno 1660, ad annum 1682, Serenissimus Princeps Carolus Secundus 92107, vel contactu suo vel auro beaverat: vulgo creditum est, post contactum Regis exhibitum, acerbissimos dolores multis sedatos, ulcera priùs manantia quibusdam siccescere, tumores aliis evanescentes, & præruptas glandularum moles opificio plusquam Dædaleo complanatas, cœcutientes in ipso contactus Articulo subinde visu pollere, & claudos pedibus ambulare traditum est; tandem intra paucos dies ex mille plusquam quingenti perfectà sanatos. Quæ si vera sunt, in eo enim cardo rei vertitur, ubi ratio nihil suggerit,

suggerit, experientiæ unicè fidentum est (quæ tam Medici quam Chirurgi Regibus nostris & Galliarum alteris inter tangendum ministrantes diù testati sunt, & in hunc finem libros vulgârunt) admirationem nostram & gratitudinem postulerent.

Abfit itaque ut tam injurius essem Serenissimi Principis nostri prærogativæ plusquam (ut ita dicam) humanæ, vel ægrotantium suorum subditorum commodis, ut quemlibet Strumosum contactui Regio inhiantem, ab illius contactu dissuaderem, potius vota faciam, quos *Rex tangit Deus sanaret*. Verbo itaque expediam quod sentio: Contactus Regius potest esse (si olim fuit) proficius; solet subinde esse irritus, nequit unquam esse nocivus.

Cur Principi tantum nostro & Galliarum Regi eadem indulta est facultas eundem morbum sanandi? Utrum unicè voluntati divinæ? Vel Regum sacro Chrysmati? Vel sacris inter tangendum peragendis? Vel

Vel ipsius ægrotantis fiduciæ? Vel imaginationis viribus? hæc mirabilis sanandi vis debetur. Sunt postulata tua satis curiosa, sed potius Theologica, quibus modò tibi cumulatè satisfacere velis, adito pium admodum & eruditum concionatorem vestrum, virum (si quis est) rimandis istiusmodi cœlestis imperii arcanis versatissimum.

Si filia tuæ morbus tam contumax evaserit, Domine, ut contactui Regio neutiquam auscultat, quod aliquando, proh dolor, compertum est, mediis Medicis quamprimum uti suadeo, ne diuturnitate temporis tabem inferat.

Struma ortum debet crassiori lymphæ per glandulas cribrari inhabili, quo pacto transitum non inveniens, sensim ibi collecta sistitur, unde prærupta glandularum moles.

Format subinde sacculos, à particulis hamatis ad superficiem protrusis, haud secus ac in re culinaria gummosiores liquores cuticulam contrahunt & contenta includunt.

Altiores



Altiores radices egit malum, modò materiam quandam calciformem, & ipsum tartarum æmulantem in se continet, & omnem medelæ spem penitus excludit; prognosis minus infœlix audit, modò nulla capsula est; sic istius lymphæ resolutio facilius instituatur, vel *methodo Whartoniana vasa resorbeant.*

Nec minus interna quam externa glandularum congerie Strumofus affici solet, nec tantum glandulæ colli, maxillarum, & inguinis intumescunt, sed & mesenterii, non per communicationem aut occultas sympathias, sed quod eadem lymphæ in omnibus ejusdem naturæ glandulis ejusdem generis contenta deponit. Et Mesenterio glandulis adventitiis & induratis stipato obstruuntur vasa Lactea quamplurima, sic chili impendium sanguini deferendum, ad quotidiana dispendia supplenda magna ex parte impeditur, quo minus proventu suo aleret: unde Atrophia.

Strumofi lentè abeunt ad plures, quod neque sufficiens lacteorum  
numerus



numerus apertus est ad plenam nutritionem ; neque tot obstruuntur, ut mors subito sequatur.

Probabile est quod istiusmodi glandularum nodi citius & frequentius collo subnasci solent, non quod locus tantum est glandulosus, sed quod frigidi aeris accessui exponitur, haud secus ac fungi ac arborum resinæ ab externo aere indurescunt.

Etiam si, Domine, septimi filii contactus discutiendis hisce tumoribus aut virtus aut gloria obsolevit, cadaveris tamen humani tactus in affectam partem imponendi, donec illius frigus penetrat in intima tumoris penetralia nuper decantatur à *Nobilissimo Boyleo* tractatu suo de specificis, & ni fallor ab Helmontio.

Indulgerem profectò & hoc experiundi copiam, præcipuè si filia fides admodum viget, dum filia tuæ nocumento futurum fas non est suspicari, neque medicamentis postea ritu Medico usurpandis ulla tenus obstiterit.

Faxit

158      *De Strumarum ratione, &c.*

Faxit Dens, ut contactus unus  
aut alter optatum finem consequatur;  
sin minus quæ ad curationem  
pertinere arbitror studiosè diligenterque  
curabo. Brevitati ignoscendum est,  
quod compendiosior hæc & aulica  
(quam ambis) mendendi methodus  
prolixiores literas tam accusat quam  
denegat. Tibi sum,

*Domine,*

*Addictissimus.*

---

EPI-

## EPISTOLA XV.

*Num semel per mensem inebriari  
valetudini conducit ?*

*Honorande Vir,*

**V**Irū tam sobrium, tam vini  
abstemium vinolentæ huic  
opinionī patrocinarī, utī ex novissi-  
mo congressu constabat, mirari satis  
nequeo, & quasi de industria illius  
patrocinium susceperas, tam rei ra-  
tionem vulgò creditam, quam ve-  
terum medicorum monumenta in  
subsidiū vocasti: provocasti de-  
mum quasi delectus Bacchi Heros  
ad certamen literarium, quemcun-  
que huic opinionī tam authorum  
iudicio quam rei æquitatē firmatæ  
contrarium decernentem, & quod  
quoties aliquid addiscere cupio,  
cum superioribus contendere expe-  
diat, provinciam ( salva Bacchi re-  
verentia ) non invitus suscipio.

Avicen-

160 *Num semel per mensem inebriari*

Avicennam literatum admodum Medicum eandem opinionem evulgasse certum est, cujus tamen religio omni vini usui interdixit, reclamantibus verò aliis nec minùs literatis; sic autoritas autoritate expugnatur, & eo magis in hoc casu, quo minor numerus cedit majori. Res itaque ad judicium & experientiam vocanda est, & num illorum arbitrio constabit necne differendum est.

1<sup>o</sup> Est mihi æternæ veritatis dogma, Nihil corporis humani saluti conferre, quod adversatur legibus divinis. Sapientissimus Rerum opifex corpus humanum condidit, non sanctissimarum illius legum violatione, sed debitâ illarum observantiâ sustentandum, & quasi facto fœdere conspirare in perniciem corporis quicquid Animam lædit. Fatendum est quod hæc ratio minus Medica videretur; nihil tamen interest, cum vera est, modò veniam à *Viris Sacris* ob illius usum impetrarem.

2<sup>o</sup> Nullum



2<sup>o</sup> Nullum istiusmodi regimen Medicum vel sanitati vel longævæ senectæ conducens experientia dicitur, quam sobria & eo nomine inculcata vita, ebrios perpauca & sanam vitam ducere & diuturnam quandoque visum est. Sobriosque pessimè morbis affici, citoque iis succumbere compertum est, sed neque istud scælicitatis obtingit ebriis temulentia gratia, neque alterum infortunium sobriis supervenit, quod abstemii vixerant, sed forsân parentibus minus abstemiis derivetur.

3<sup>o</sup> Semel per mensem inebriari plus quandoque officiat valetudini quàm sæpius. Consuetudo est quasi altera Natura, & assuetæ admodum vinolentiæ nihil adeò lethale est ac vita penitus abstemia, præcipitat illius mortem modo uno ictu à poculis genialibus arcetur. Talis Bacchi heros hesternam crapulam facilè ferendo est, nec comes febris, nec vigiliæ, nec dolor occupat, nec appetitus dejicitur, repetito tantum postera luce haustu uno vel altero generosiori, satis salva sunt omnia.

M

Cum

Cum ex opposito, qui infrequens Bacchi cultor est, semelque per mensem ei immolet, totius corporis machina quam miserè perturbatur, sanguis & humores immodicè turgent & ebulliunt, caput laceratur, sensus hebetiores, aut obstupescunt, vel ipsissimum sibi nomen fastidit, os torridum, nec sitis urna extinguenda, tussis ferè continua molestat, & scretus quavis tussè molestior. Et quod pessimum audit, hæc numerosa symptomata non proximâ luce evanescunt, sed diutius perseverant, & sæpe ad ipsissimum tempus, quo de novo Bacchanalia sunt celebranda.

Neutiquam mihi errasse videtur Religiosus ille Monachus conscientia moderator, cui pœnitens accessit ad expiandas animi noxas, & se vino obrutum fuisse fassus est. Cucullatus ille pater pœnitentia loco iussit ut vino rursus obrueretur, modo in potu rarus fuisset.

Non hæc dicta putas, Vir Celeberrime, ad ebrietatem frequentiore consulendam, sed vel minimam

nam abigendam, eo potissimum nomine quod qui huic assuescit, vix aut ne vix ab ea divellendus, qui huic minus assuescit, nihil est quod invitaret.

Sed urges, Domine, quod vomitus hujus indulgentiæ comes per mensem celebrandæ, ventriculum plurimorum morborum sedem ab omni noxiorum humorum colluvie durante isto temporis intervallo collectâ, & absque Pharmacorum nauseâ, & Medicorum præmio, quam facillimo negotio liberaret.

Objectionem diluunt sequentia.

1<sup>o</sup> Quòd vomitus non est semper hujus indulgentiæ comes, somno vinoque sepultis sæpe non supervenit.

2<sup>o</sup> Vomitus à nimia ingurgitatione quolibet mense provocatus ventriculi tonum admodum labe-  
factat, inde malorum Ilias.

3<sup>o</sup> Tantum abest ut ventriculus ab ebrietate oriundus noxios quoscumque humores ex ventriculi cavo eliminaret, ut plures cumulat, teste inappetentia & cibi fastidio istius-



164 *Num semel per mensem inebriari*

modi vomitum insequente, nec citius quam abstinencia medenda.

4<sup>o</sup> Qui lecto assidet ebrii vomentis, haud facile provocatum putaverit, videat potius ventriculum tanta sarcina onustum, non nisi post laboriosissimos vomendi nixus invitò quasi regurgitantem.

5<sup>o</sup> Pone vomitum refarcire damna quæ ebrietas infert, sed rarò aut nunquam tam foeliciter cedit, quod malum aliis in locis hospitatur, neque amplius quicquam sperari queat, quo pacto aut quo nomine valetudini conduceret, nondum video.

6<sup>o</sup> Sed pone, Domine, hanc violentiam menstruam medicamentorum vicem supplere, parique eventu gloriari, nonne ipsa Pharmaca possunt nimis crebrò propinari? Medicationem per mensem instituendam quicumque laudaverit, nemo imitabitur, cum Natura sua munia foeliciter absolvit, *bene ingerit, digerit, & egerit*, non est medicamentorum frequentia interpellanda, multò minùs vino nimio oneranda.

Delica-



Delicatus sane est qui certissimam & frequentem ebrietatis, potius quam incertam & rariorem Pharmacorum nauseam, ferre mauerit : cautio verò ad præcavendos Medicorum sumptus pessimè collocatur ; quod cavere student in illud incurrunt ; plus enim uno ebrio die lucrantur Medici, quam diebus triginta sobriis.

Tandem in vinolentæ hujus consuetudinis patrociniū urges, Domine, quod longè tutius est quavis Luna semel tantum vino nimio obrui, quam modicis sed frequentibus & quotidianis poculis madere.

Tutius profectò esse arbitror, quòd è duobus malis minimum : hanc verò vel illam indulgentiam penitus innocuam, multò minùs valetudini conferre, nemo invenit.

Tantum demùm abest ut intemperantia quovis mense celebranda valetudini aut illius mediis inferviret, me iudice, ut opinionem toto cœlo contrariam tuerer potius, quoties, viz. inebriamur, toties mor-

tem nostram per mensem præcipitamus.

Nolo ut putes, Celeberrime Vir, me omnem vini usum damnare, fortasse generosius Cardiacum nondum exhibuit terrarum orbis, velim etiam ut homines quandoque mero incalescerent, non ut sepe-  
lirentur, indulgeant ad hilare ingenium excitandum, non ad temulentum soporem inducendum, hoc ipse Seneca laudat, nec rugas provocat ipsius Catonis, moderatus istiusmodi usus, fermentationibus & secretionibus corporis, *i. e.* valetudini plurimum conducatur.

Tandem, Domine, te huic violentiæ minus favere reipsâ comperio, quod istam consuetudinem evitaſti haſtenûs, Epicurum laudas ſed Zenonem vivis : & proſectò tutius eſt quam Zenonem laudare, & Epicurum vivere.

Si, Honorande Vir, ad veritatem hanc vindicandam, & propugnandam non fui ſatis idoneus aſſertor, ſac tamen copiam, ut officiûs & obſequio iſte defectus reſarciatur

*valetudini conducit.*

167

farcietur, & locus mihi concedatur  
testari undique quantum tibi debeo  
& quod sum

*Observantissimus tui.*

---

M 4 EPI-

---

## EPISTOLA XVI.

*De Monialibus duabus Romanis  
sexum suum immutâsse dictis.*

*Celeberrime Vir,*

**E**Rubescerem profectò præ nimia forsân verecundia ( non obitante mandatorum tuorum hortatu ) me huic historiæ quasi minus pudicæ immiscuisse, nisi sacrae Theologiæ Professor eandem typis editis vulgaverat, & Sacrum Cardinalium Collegium eandem exploraverat, hæc animum addiderunt, & ab omni indecora turpitudine quasi custodiant & muniant, nihil petulantia ergô recitavero, nihilque modestiæ ergô omittendum censeo.

Infœlix admodum audit, quòd mihi imperasti ad modum hujus tam rari Naturæ lusus indagandum. Universum orbem literarium plurimum



mum tibi devinxeras, Dignissime Vir, modo Celeberrimum Boyleum Naturæ ipsi è secretis, ad tale opus suscipiendum invitaveras, nec planè spes me deficit, quamprimùm Honoratissimo viro innotescit tam fecundum Naturæ gremium accuratius tractari meruisse, tam consummata est illius eruditio, & quod æternam illi gloriam comparavit, non minus promptus ejus quam paratus ad docendum animus, quod ad hanc provinciam suscipiendum tanto tantum authore dignam stimulabitur.

Literis me mones, quod Romæ inceserat rumor moniales binas cœnobiis clausas eò germinasse, ut virilitatem quandam consequi suspicabatur, sparso pervagatoque rumore, demum pervenit ad aures Pontificis, qui rem tam prodigio similem Cardinalibus quibusdam examinandam jussit: retulerunt Cardinales, inquisitione factâ, moniales illas ita protuberasse, ut sexum mutatum esse crediderunt, in cujus testimonii veritatem moniales illas

illas inauditam quandam Metamorphosin adeptas è cœnobiis suis pellendas esse jubebant, & mutata veste officiis virilibus nunc temporis Romæ occupantur.

Miror sanè quid esset in causa quòd Pontifex Maximus hanc provinciam Cardinalibus suis demandavit, viris quoad sexuum discrimina neutiquam versatis. Verum est quod illorum incorrupta fides omnem testimonii suspicionem demit, illorum tamen illibata castitas tanto pudore & modestia conjuncta, talem inquirendi acribeiam non permiserit, qualem res ipsa postularet.

Lectores forsan in diversas abeunt sententias utrinque falsas.

Nonnulli debitam venerationem Cardinalibus præstant, nec omninò fidem denegant, quin quod ita transgreditur Naturæ limites, miraculum esse opinantur.

Alii fidem detrahunt, quod tam altè transvolat Naturæ captum, quod cessantibus miraculis pro impossibili habendum, quod impossibilibium

sibillum nulla est obligatio, sic nulla fides.

Vellem equidem, Vir Egregie ( & utinam tam labyrintheis Naturæ cryptis voluisse sat tibi videretur ) utrisque lectoribus satisfacere, his modò decernam ex partium genitalium structura istiusmodi fructicantis Naturæ lusus ( quam mutationem sexuum perperam vocas ) nequaquam pro impossibili habendus, illis verò quod hoc stupendum Phænomenon neque tantum transgreditur Naturæ limites, neque tanta infrequentia obtingit, ut speciosum miraculi nomen mereatur. Ignorat Naturæ potentiam, qui illi non putat aliquando licere, nisi quod sæpius facit.

Moniales illas integrum suum sexum mutâsse nemo rectè judicaverit, huic opinioni ansam daret immane quoddam & insolitum Clitoridis incrementum, humanæ virgulæ instar protuberantis, & virilitatem quandam mentientis, taleque Clitoridis augmentum subinde fit.

Nolo

Nolo injurius esse monialibus illis severiorem vivendi normam, & frequentiore Dei cultum profitentibus, easque insimulare, quasi lascivientes adultæ frequenter nimis hanc partem contrectaverant, quo pacto illius magnitudinem provocasse potuissent secundum Martialem.

*Mentiturque virum prodigiosa  
Venus.*

Quòd infantes ipsi, quibus impossibilis est lasciva istarum partium agitatio præternaturalis illius partis magnitudinis exemplum exhibuerunt.

Nec mecum reputare audeo Vestales illas viros semper extitisse; contrarium verò externo amictu simulasse, ut explerent libidinem suam, de quibus nihil mali auditum est, nihil mali sentiendum est, omnem istiusmodi suspicionem demit illa mammarum moles quam primo hujus vitæ instituto gerebant, & quod easdem etiamnum gerunt,  
prius



prius mihi cogitatum inculcarunt.

Memorat Curiosissimus Regnerus de Graaf libro de mulierum organis, capite de Clitoride, infantis cujusdam Clitoridem tantam cum membro virili similitudinem retulisse, ut cum obstetrice unâ vicinæ mulieres ac peritiores alii illum masculum judicaverint, & *masculino nomine in baptismo insigniri jusserint*, illamque Naturæ fraudem detexit post mortem accurata istarum partium dissection, cujus historiam tradidit idem autor.

Clitoris in quibusdam adultioribus ita propendere visus est, ut absque labiorum diductione vel crurum divaricatione facillime conspiceretur. Morbus quidam est furor Uterinus dictus qui nonnunquam eandem causam agnoscit, quatenus vestimentis inter ambulandum, aut domestica munia obeunda attritus, ita eas ad libidinem irritat, ut seposita omni modestia & verecundia quasi dementia captæ nolentes volentes ruunt in amplexum virorum.

Istius-

Istiusmodi præternaturalis Clitoridis magnitudo quibusdam Orientalibus regionibus tam familiaris extiterat, ut peritiores Chirurgi pseudovirgam illam nimia mole turgidam amputandi methodum prodiderunt, & nupturis virginibus excindere consueverunt ob hanc rem conductæ provectionis ætatis fœminæ, ut mariti amplexum exciperent.

Nec difficilis videtur istiusmodi magnitudinis ratio.

1<sup>o</sup> Quod illud Veneris œstrum fruticat uberrimâ tam nervorum quam arteriarum copiâ, calore & spiritu præ cæteris istius loci organis turget & inflatur. Virum passis aut simulato Priapo usis naturaliter extuberat & ampliatur, ex uberiori tam sanguinis quam spirituum animalium influxu illius titillationem comitante natura quasi prodiga videtur ad nutrimentum huic organo suppeditandum.

2<sup>o</sup> Facilitatur istiusmodi Clitoridis protuberantia ex cavitate locum cedente, & quasi viam monstrante,

frante, non in arctiori custodia collocatur, quo pacto Natura quasi pessulum obdit illius incremento, quin in liberum cavum propendens, quaquaversum se diffunderet, quo pacto vasa quam facillimo negotio elongarentur, & nutrimentum circumcirca feratur.

Porro, Domine, comparatione inter mulierum & virorum organa institutâ, non tantum discrepare invenientur, quantum prima fronte judicaveris, præterquam quod virilia auctiorum fermentationum robore foras protruduntur, cum muliebria istiusmodi calcaris defectu intus delitescunt.

Uterus mulieris modo foras propendeat scrotum conficeret, sic sequerentur ovaria bina uteri fundi lateribus annexa, quibus intus inclusis testiculorum numerum complerent.

Clitoris æmulatur virgam, eadem Veneris dulcedine exagitur, & similiter intendi & laxari queat, tale quale virile præputium obtinet, pariter & glande definit, sed cavi-  
tate

tate destituitur, nec mirum cum nullius liquoris evacuationi inservit, dehiscente rima in foeminis vesica per compendiosius foramen onus suum exoneravit; sed si rima illa occlusa fuisset; ut fit in masculis; mediante Priapo & cæterarum partium protrusione, necessario sibi canalem alium efformaverat, recto tramite per virgulam decurrentem, vasa enim & canales quicunque sunt mediante liquore efformantur, ubi liquores diutius asservantur, quasi cisternas conficiunt, ubi transeunt tantum canales.

In primordiis generationis ubi genitales aciculæ apicem, vix superant, discrimen sexuum ab exiguis admodum circumstantiis dependet, in adulta verò ætate, plena & perfecta sexuum immutatio ( uti de Tiresia fabulantur Poetæ ) inter creditu difficillima reponatur, opinari fas est, vel Clitoridis incrementum ob tantam eum membro virili similitudinem spectatoribus imposuit, vel fuerunt semper mares, genitalibus masculis aliquali defectu  
inter



*Sexum immutasse dictis.*

inter rudimenta foetus haud debitam exclusionem nactis, accedente verò robore, stimulante Veneris œstro, quæ diu intus delituerunt virilia, erumpunt, & sic de novo germinasse viderentur.

Naturam in genitalium fabrica subinde ludere passim observamus. Historia legenda venit Articulo quarto decimo de l' historie des Ouvrages des Scavans mensis Januarii. Quod pago ad radices montis *Jura Grandvaux dicto*, paucis abhinc mensibus, natus est infans, cetera par aliis, atque ea corporis parte quæ viros facit, plane jam vir, & pubes pilorum densitate obsita, & deinceps haud infrequentes lascivi motus, atque ejusdem maximè à somno velut in *Venerem turgescens* crebra tentigo, necdum puer complevit biennium, parentes tamen admoniti ne illum cum sororibus aut ancillis cubare patientur, ne id quod in decenni miratus est Hieronymus, in bienni aut trienni contingat.

Natura certorum finium præscriptionem subinde aspernatur, in illius tamen libro litura nulla est

N

istius-

178 *De Monialibus duabus, &c.*

istiusmodi Naturæ Monadica admirari potius debemus, quòd cognoscere vix unquam poterimus.

Discessum tuum ab urbe nostra admodum doleo, quòd minus unà esse poterimus quam volumus, animorum tamen conjunctione iisdemque studiis ita fruamur, ut nunquam non unà esse videamur. Tibi sum jure merito

*Addictissimus.*

---

EPI-

## EPISTOLA XVII.

*Cui lectum incœnatum petere con-  
ducat, cui contrarium sua-  
derem.*

**N**EMO uspiam Medicorum  
est, Vir Illustris, qui quæsti-  
oni tuæ literis nuperrimè datis uni-  
versaliter propositæ ex jactis rationis  
& judicii fundamentis, respondere  
valeat. Si modo universaliter affir-  
marem lectum incœnatum petere  
salubrius, vel si eodem modo ne-  
garem, pari certitudine in erroris  
scopulos utrinque incidero. Modò  
rogasses, Domine, quid tibi salu-  
brius futurum, posito priùs corpo-  
ris habitu, posito priùs valetudinis  
& ætatis statu, posita consuetudinis  
tuæ & vivendi ratione, quàm facil-  
limè negotium expedivissem, sed  
cum hæc mihi neutiquam innotescunt,  
cogor ad singularia descen-  
dere,

dere, & particulatim recensere, quibus lectum incœnatum petere expedit, quibus demum minus salubre perhibetur; sic eligas, quod maximè ad naturam tuam, cæterasque vivendi circumstantias aptatur.

1<sup>o</sup> Lectum incœnatus petat, quem non invitat ad cœnam fames, repetitis post meridiem subinde poculis genealibus; quem verò fames ad edendum impellit & incitat, vesci oportet.

2<sup>o</sup> Lectum incœnatus petat, qui more Belgico, *i. e.* serius prandet, vel more Londinensi lautius; parcius verò & horis Academicis prandenti cœnam suaderem, ne illius inopia interrumpet somnum.

3<sup>o</sup> Lectum incœnatus petat, qui ex opulentiori fortuna ignaviæ & socordiæ indulget; è contrario quem res domi angustior provocat ad diurnos sudores, cœnam admodum necessariam duco; corpus enim citò contabescit, nisi illius dispendio pari passu accedit nutritio.

4<sup>o</sup> Cœna iis consulenda, qui minus carne vesci solent, sed potius  
more



more Gallico jusculis & sorbitionibus prandent, istiusmodi liquida non dant admodum stabile nutrimentum; sic frequentioribus vicibus sunt compensanda.

5° Quorum sanguis est admodum acris non sunt à cœnis arcendi, Cereri tutius est liberius indulgeant. Plus confert ad edulcorandum sanguinem Culina quam Pharmacopolium, neque sanguinis acrimonia tali balsamo condienda, qualis eupeptis cibis derivatur, qui verò phlegmatico corporis habitu laborant, quorum sanguis minus accuratam fermentationem subit, ex inedia alimenti nulla instauratione facta, sanguis circulationis lege frequentius redit ad cor; sic fermentationes patitur crebriores, inde viscosarum particularum discerptio, & accuratior illarum mixtura affurgit ad quæcunque vitæ munia obeunda.

6° Si valetudinarius es & solita prandendi hora fastidis quæcunque esculenta, abstinere tunc temporis juvet; *impura enim corpora quo plus*

*nutris, eò plus ladis ; sed abstinentia  
cœna reparanda secundum effatum  
Hippocratis : Non fames, non satietas,  
nec aliud quippiam bonum, quod  
nature modum excedat.*

7<sup>o</sup> Consuetudo hac in re tanti  
momenti est, ut qui cœnis sese af-  
fuescant, nihil aut minus inde  
damni patiuntur ; imò Gallis lautior  
cœna apparatus absque vel minimâ  
alicujus incommodi suspicione ; huic  
verò vivendi generi minus assueti  
post lautiolem cœnam febricitabunt.

Plurima, Domine, tam in dando  
cibo quam in ferenda fame discrimina  
reperiuntur, nam famem faciliùs  
fert adolescens quam puer,  
faciliùs in denso cœlo quam in tenui,  
faciliùs hieme quam æstâte, faciliùs  
inexercitatus quam exercitatus  
homo ; sic Medicina in hoc casu  
perpetua præcepta non habet, dum  
ætas, cœlum, anni tempestas, exercitia,  
consuetudo, valetudo, fames, corporis  
habitus, vivendi ratio, rem variant.

Quam

Quam vivendi methodum instituisti, Domine, me penitus latet, idcirco neque ad cœnam invito neque arceo; spero tamen quod hoc loco invenies quod cedat in usum tuum, & ad circumstantias tuas, quæcunque sint, aliquo modo quadraret; sin minus me literis mone, & cumulatius tibi satisfacere quamprimum contendam.

Si rationes modo allatæ te ad cœnam vocant, hoc tantum tibi in præsens suadeo, ut prima vespersa sumatur, ut nimietatem fugias, cum ægrè digerendis.

Tædio tibi foret, Vir Eximie, omnia istius classis edulia particulatim recensere, verbo itaque expediam quod res est, omnis cibus facilius concoquitur, quorum particulæ non tam pertinaciter & firmiter sibi implicantur & irretiuntur, sed paucis tantummodo punctis sese contingunt, quique poros habent majores, hoc pacto fermento ventriculi facilis conceditur aditus ad interiora ciborum, illi ergo difficilioris concoctionis erunt, in quibus contrarium obtinet. Quan-



Quantum uno die vel una refectio-  
ne comedere licebit ( tanta est  
corporum varietas, & tanta ci-  
borum discrepantia ) cum Lessio &  
Cornaro determinare non audeo,  
tanta cibarium acrobeia non om-  
nibus conveniet, vix tamen abludit  
à vero Proverbium illud Italicum,  
*Qui parum comedit comederit multum;*  
*i. e.* diu vixerit ad comedendum.  
Sancitum verò hoc esto, quò fre-  
quentius pastum repetes, èd minus  
una vice sumendum; quò minus com-  
edis, èd frequentius concedatur.

Observasti indubiè ( Præclare  
Vir ) quòd fortunatâ hac nostrâ  
Britanniâ omni eduliorum genere  
feracissimâ aut quasi prodigâ, ubi  
unus ex opulentioribus tui consi-  
milibus ex parciori victu vel mini-  
mum incommodum senserit, cen-  
tum ex repletionem nimia interempti.

Et quod absque *condimentis* vix  
quicquid apponi solet, haud ingra-  
tum fore arbitror te certiore fac-  
cere, quid de iis sentiendum est.

Quædam condimenta ex acido-  
rum & austerorum classe petuntur,  
- - - - - Dominarum;



Dominarum, ut plurimum, delicia, vel ob palati illecebras, vel ob inappetentiam ex vita minus exercitata oriundam, (exercitia enim acuunt appetitum, quod exinde fit magis efficax protrusio ex Gastricis in ventriculum) sed miseras luunt pœnas, cum ut plurimum astrictione sua obstructions & Cachexias accersunt.

Nec minus valetudinem suam periclitantur alii istiusmodi famis stimulis utentes, cum potius compescere opus est, morbusque jure dicatur cibum appetere, cum non sumus, vel cum non satis sumus digerendo, famemque cibus modicis saturatam ad pleniorē ingurgitationem istiusmodi illecebris extimulare, inter verissima Naturæ gravamina recenseatur, quibus saltem opprimi, sin minus succumbere cogitur.

Aromatica unà cum acrioribus alteram speciem constituunt, in quorum gratiam hæc dici possunt, quod nec vili constant, nec domi nascuntur, virisque quibus solet esse frequentior usus ad stimulandum

mulandum sitim expetuntur, consuetudo temperamentis salinis vinoque deditis virorum strage funesta; sic oleum camino addunt, & quàm citissimè perniciem moliuntur; illorum itaque usus vel crassos & viscosos cibos comitetur, vel Naturis frigidis phlegmaticisq; tantum concedendus.

Memoratu videtur dignum, quòd hoc vel illud Embamma his salubrius, illis perniciosius dicatur, discrimine ex diversa corporum constitutione sumendo: butyracea biliosis neutiquam consulenda, Acida prius memorata temperamentis salinis, Aromatica acidis meliore auspicio sed parcius & rarius concedantur, nec stilo poetico tantum, sed & Medico dicatur,

*Cibus simplex, sine arte mensa,  
Vitam faciunt beatiorē.*

Pari jure medicamenta in foro Medico *Stomachica* dicta non sunt una eademque omnibus proficua, sed longe diversa pro varietate corporum adaptanda, alias pro stimulo uteris loro.

Mos

Mos demum apud nos invaluit vicinis gentibus penitus invisus, neque imitatu dignus, cibum nostrum semicrudum comedendi. Qui huic assuescunt potius saporis acumini student & adblandiuntur, quam usui & rationi. Quid enim est si hoc non onerare ventriculum, dum hoc pacto gemino officio fungi oportet, non tantum cibum digerendo sed & coquendo occupatur, nemo non expertus est, cibum foco culinario nondum satis subactum, non nisi ægrius digerendum, quo nomine cruditatibus generandis non tam fortuita verborum aptitudine, quam certissimo rerum documento peculiari quodam jure primatum sibi vendicaret.

Comestio casei digestionis ergò sub exitu mensæ vulgari fama celebratur, sed neque omnis caseus tanto nomine dignus est, nec famigeratissimus omnibus constitutionibus pro digestionis adjumento habendus. Caseus ille Chedderensis vel Cestriensis dictus debitam maturitatem adeptus Stomacho frigido  
consulatur,



consulatur, vel escam minus principiiis activis ditatam comitetur, ob salem (cùm Chemicis loqui) ad summum fluorem evectum, sed temperamentis calidioribus illius usui indulgere non consultum est, *i. e.* frequentius & copiosius, minima nec curat Prætor nec Medicina.

Caseus ille vulgaris ex lacte deflorato conflatus concoctionis officio neutiquam ministrat, quin potius gravat, retardat, impedit, & etiamsi vita laboriosissima vescitur & quam facillimo negotio digerit, aliis neque huic assuetis, neque diurno sudore stillantibus istæc foelicitas non expectanda est. Et Caseus alter ex ipsius lactis cremore conflatus, blandimentis gulæ quam ventriculi necessitatibus longè est accommodatior.

Butyrum aureo titulo insigniri mane, meridie argenteo, vesperi vero naturam plumbeam induere vulgò dicitur. Proverbium etiamsi falsissimum, vix tamen potest ex mente hominum evelli, butyrum pane comestum provecta etiam & nocte



nocte cæteris quibuscunque eduliis salubritate contenderit, butyrum verò igne liquatum quale pro in-  
tinctu apponi solet (nisi arte Culi-  
naria probe commiscetur) teste  
nidoroso illo ructu illius usum se-  
quente, neque ipso mane nocumenti  
expers censendum est.

Quòd cibus potu diluendus est,  
cerevisia sit melioris notæ, mitis &  
bene defæcata, nec crassa aut dulcis,  
nec vetusta nimis nec acescens, &  
si id fieri potest, statim tantum pran-  
dii & cœnæ temporibus sumatur,  
sanitati admodum adversatur mos  
iste vulgaris statim à victu plenio-  
ribus poculis sese ingurgitare, vina  
sincera & minime adulterata mo-  
dicè sumpta non nocent, iisdem  
verò fucatis nihil magis noxium ac  
sanitati injurium.

Veniam rogo, Domine, quòd  
diutius huic themati Diætetico in-  
sistebam quam iussa tua postulave-  
rint, nescio qua libidine ferebar ad  
rem integram ab ovo ad mala in-  
quirendam, quod tanta discendi  
cupido pari solertia conjuncta est,  
neque

neque levis momenti est vel ad sanitatem conservandam, vel ad morbos debellandos quotidianus victus noster; qualis cibus talis sanguis, qualis sanguis talis valetudo.

Bellariorum vicem supplebit (sin ita tibi visum est, Domine) hoc Apophoretum, Sit hilaris animus, assiduus cibandi comes, lætitiæ potius quam lautitiæ indulge, innocuus demum sermonis lepos atque festivitas & inchoet & finiat dapes, sic corpus & animum reficiendo lætius & diutius vixeris, quod ex animo optat

*Servus humillimus.*

---

**EPI-**

## EPISTOLA XVIII.

*Quot horis dormire licebit.**Dignissime Vir,*

**V**aletudinem tam prosperam quam adversam ex somno & vigiliis plurimum dependere, recte judicas. Cuivis obvium est, integram admodum sanitatem ex vigiliis nimis importunis plurimum periclitari; ex opposito ægritudinem fere qualemcunque ex somno foelicitè oborto valde imminutam, minus depulsam; curiositatem ergo tuam nec damno nec improbo, quòd cavere oportebit, ne quantum per diurnam valetudinis curam profeceris, tantum per nocturnam incuriam retardaris.

Rogas consilium quot horis salva valetudine dormire liceret, ne sanguis tuus somno nimio obtorpesceret, vel illius defectu astuaret,  
cautio

*Quot horis dormire licebit.*

cautio pari prudentia instituenda est, ne ex vigiliis nimis in delirium; aut ex somno nimio in lethargum incideres.

Vulgaris admodum verficulus rem brevi complectitur :

*Septemhoris dormisse sat est juvenique senique.*

Sed non omnibus unum idemque tempus præfiniendum est, quod temperamenta diversa, ætas varia, valetudo dubia, diurnum vel otium vel sudor, ipsum demum dormiendi tempus varietatem aliquam postularent, à generali tamen hac regula non valde deviam, diutius enim dormiendi necessitas vix potest admitti, & tamdiu dormiendi cupido vix potest culpari.

Sed ipse somnus varius est, plus quandoque tribus horis dormimus quam sex, *i. e.* brevior subinde somnus plus reficit & alit, profundus ille sopor, quem fessus & laboriosus homo optimo sibi jure vendicaret, vel viribus fractum, vel animi lassum



sum, vel cura confectum admodum juvat, & postera luce ad exequenda quaecunque munia paratissimum reddit, dum otio & pigritiæ deditus oscitare tantum, vix dormire videretur, vel à levissimo strepitu somnus abrumpitur, vel per dira insomnia perturbatur, cui demùm ad diurnam lassitudinem depellendam non inservit somnus, illum somnus ipse quasi defatigaverit, votum neque levè est neque male collocatum, ut sicut fessus & laboriosus assolet, noctem transigam, & in utramvis aurem dormirem.

Somnus nutrire dicitur, quod somni tempore minor est corporis perditio, & parcimonia est de essentia lucris; spiritus tunc temporis ab officiis mentis feriantur; sic corporeis usibus magis inservirent, & nutrimentum corpori ministrarent.

Quietem particularum juxta se invicem nutritio postulat. In hunc finem valde conducit somnus, quatenus motu sedato occasionem præbet,

bet, ut pabulum partibus facilius adhæreat. Experientia idem confirmat quod somnolenti fere semper sunt obefiores.

Quo magis dormitur, eò major erit dormiendi cupiditas, sanguis hoc pacto fit viscidior, minúsque ad movendum aptus, idem testatur pulsus somni tempore debilior & infrequentior; sic nervorum tubuli supra se invicem incumbentes nervosi laticis lentore tunc temporis collecto, quasi invicem agglutinantur: Tales sunt Phlegmatici temperamenti; sic somnolenta illa dispositio à Natura ipsa primum inchoat, & ab usu incrementum capesseret. Tales non tantum diu dormiunt, quin & tardè & somnolentè evigilant, dum oscitant & pandiculantur hora est; quibus verò temperamentum calidius est, nec tamdiu dormiunt, nec tanta dormiendi cupido, & quamprimum interrumpitur somnus, eodem momento vigilant.

De somno meridiano, Domine, variè disputatur. Multis hac de re

vix

vix verbis opus est, nocturnus somnus utilissimus, meridianus modò nocturnum excludit, neutiquam ferendus : Sin verò ætate provectioribus supervenit ex usu & consuetudine, neque somnum nocturnum depellit, facilè concedendus.

Vespero foco assidentes facilè in somnum labuntur, quod calore ignis pori superficiei corporis magis aperiuntur, unde uberius transpiratio, & spirituum jam fere exhaustorum avolatio.

*Vigilia haud secus ac somnus modum excedentes, mala, & plane morbus sunt :* familiares sunt senibus, quibus sanguis solet esse acrior, inde acriores spiritus generantur, sic magis irritant cerebri & nervorum tubulos.

Vigilias inducunt dolores ; rapidior ille sanguinis circuitus doloris comes, copiosiores spiritus ministrat, quibus nervosi generis vela expanduntur, cum debent contrahi.

Vigilias producant febres arden-tes, quòd in iis sanguis nimium est & acris & motus.



*Quot horis dormire licebit.*

Vigilias conservant vehementes Animi passiones, quòd spiritus contentuò agitant & movent.

Sed quòd valetudini à somno procurandæ, potius quam physicis illius speculationibus intentus esse videris, paucula quædam subnectam huic scopo inservientia, quibus ritè & fideliter observatis, somnus tibi contingat suis usibus optime instructus, accedat in laborum perfrugium, in virium instaurationem, in lassitudinis quietem, in agritudinis solamen, & in vigiliarum medelam.

Ut somnum tam placidum quam utilem tibi conciliaries, necesse est,  
 1<sup>o</sup> Ut interdium ita teipsum exerceas: ut nocte ingruente privilegium somni summo tibi jure vindicares, ignavia fugat somnum, quem industria & diurnus sudor facile provocaverint, lassitudo Hypnoticon optimum est, talisque naturalis sopor medicato cuivis millies præferendus.

Fœlix & opulenta rei familiaris tux conditio laborem tibi neuti-



quam injungit, noli tamen esse otiosus, quò minus tibi eò plus aliis occupandus es; quò minus domesticis negotiis implicatus es, eò magis publicis officiis exercendus, vel animum studiis vel exercitiis corpus ita defatigatum velim; sic somnus necessitate quadam inducendus ad hodiernæ diei tædia levandum, & ad crastina vel negotia vel exercitia sustinendum.

2º Ut somnus suis usibus optimè inserviret, debet esse *tempestivus*, nocturnas lucubrationes valde insalubres, nocturnas computationes admodum perniciosas inveneris; noctu invigilare & interdium dormire integerrimam valetudinem perdet, utilissimus somnus ante noctem concubiam invadit, multoque magis refocillat, quam somnus horis antelucanis inceptus, inter beatissima vitæ munera annumeratur à Poeta.

*Nox non ebrin, sed soluta curis,  
Somnus qui faciat breves tenebras.*

*Quot horis dormire licebit.*

3<sup>o</sup> Somnus non tantum lassitudinem diurnam mitigare & compescere debet, & opportuno tempore sumendus est, quin uno eodemque tempore quo ad lectum te componis, curas & sollicitudinem qualemcunque exue: neque curas tantum, sed & negotia tam forensia quam domestica urgente somno subire animum tuum permittere noli: hæc arcent somnum aut saltem interpellunt, quo minus reficit & exhilarat quies, tam conservandæ valetudinis demùm quam somni capeffendi præcepta hoc moment & hortantur.

— *Ante tuum quicquid dolet exue lectum.*

In hunc finem diurnam innocentiam tuere ab omni morum turpitudine alienam; sic tristes animi & dolorum cavebis morsus, infestum somni hostem, suavissimum somnum induxerit bonorum operum contentatio, sed arcebit malorum invitus horror.

4<sup>o</sup> Da veniam, Domine, ut una cum regulis hisce Medicis consilium aliud majoris momenti tibi adjungam : Fateor equidem à scopo medico alienum videretur, rei tamen utilitas atque momenta, me judice, excusationem facile obtinerent. Exemplum imitatu dignissimum tibi proponam Celeberrimi Medici Norwicensis, Tho. Browne Eq. Aur. è libello suo *Religio Medici* vocato. *Somnus est ita morti similis ut ei me committere non audeo nisi precibus factis, & luci quodammodo per colloquium cum Deo habitum valedicto. Hoc Hypnoticon cubitum iturus adhibeo, nec alio mihi Laudano ad somnos faciendos opus est, postea securus ad somnum componor, soli longum vale dixisse contentus, & ad resurrectionem usque libenter dormiturus.*

Antidotum hoc unicum est ad expellendum iniquissimi diei venenum, ad præveniendum perditissimi seculi contagium, adversus præstigias Dæmonum & tenebrarum, & ad mortis terrorem abigendum ; sic diem foeliciter claudet

*Quot horis dormire licebit.*

nox, sic vitam foeliciter excipiet  
 mors, sic frui licebit perpetuâ sine  
 nocte luce, quam maximè tibi exo-  
 ptat

*Devotissimus Cliens.*

---

**FINIS.**

---



## ERRATA.

- PAg. 2. lin. 22. lege *desinant*.  
 2.       ultima l. *consecaris*.  
 9.       27. l. *que*.  
 27.      17. l. *peragenda*.  
 33.      15. l. *solemus*.  
 41. dele quod: l. *ventum esse ut* --- *pa-*  
      *trocinetur* --- *jactet*.  
 52.      12. l. *onustus*.  
 53.      27. l. *Canicularibus*.  
 153     26. l. *perfecti*.  
 162.     8. l. *cibi*.  
 174.     9. l. *provehioris*.

Cætera, Benevole Lector, corrige.

---

---

Libri Medici Venales per  
*Staffordum Anson*, ad in-  
signe trium Columbarum in  
Cœmeterio Divi Pauli.

In Fol.

**H**ippocratis Opera. *Foesii*.  
Cardani Opera omnia.  
Sennerti Opera.  
Raii Hist. Plantarum.  
Zacuti Lusitani Opera.  
Van Helmont Opera.  
Foresti Opera.  
Johnston de Animalibus.  
Vienussens Neurographia, cum figuris.  
Fallopium Opera.  
Boneti Mercurius Compitalitius.  
—— Medicin. Septentrional. Colla-  
titia.  
G. Fab. Hildani Opera.  
Malpighii Opera.  
Hortus Mallabaricus, &c.

In

In Quarto.

**B** Aubini Theatrum Anatomicum.  
Bocconi Icones & descript.  
Plantarum.

Fienus de signis Medicis.

Van Helmont Opera.

Borellus de Motu Animalium.

Castro de Morb. Mulierum.

Joelis Opera.

Sturmii Colleg. Curiosum.

Zwelferi Pharmacopœa.

Hartmanni praxis Chymiat.

Lister de Animalibus.

Willis Opera.

— de Anima Brutorum.

Blasii Anatomia Animalium.

Michaelis Opera.

Quercetanus Redivivus.

Linden de Scriptis Medicis.

Margravii Materia Medica.

— Prodromus.

Chymia Rationalis.

Bohun dissertationes Chymico-Physica.

---Circulus Anatomico-Physiologicus.

In

In Octavo.

**H**ippocratis Opera.  
Bartholini Anatomia.  
Theatrum Chymicum, 6 Vol.  
Willis Pharm. Rational.  
Ent. de Circuition. Sang.  
Sydenhami Opera.  
Betts de Ortu & Natura Sang.  
Bartholin. de Nivis usu Medico.  
Borelli Hist. & Observ.  
Lower de Corde.  
Merret Pinax Rer. Nat. Britannic.  
Lister de Fontibus.  
Tulpii Observationes Med.  
Ludovici Pharmacia.  
Le Mort Pharmacia & Chymia.  
Waldschmied institut. Med. Ration-  
nalis.  
Bontekoe Fundament. Med.  
Glisson Anatom. Hepatis.  
—— de Rachitide.  
Harvæus de Generat. Animal.  
—— Exercit. Anatom.  
Morellus de Formulis Remed.  
Maccafi



Maccaſii Mater. Med.  
Franzii Hiſt. Animal.  
Albertus Magnus de Sec.  
Muralii exerc. Med.  
Schola Salernitana.  
Schola Botanica.  
Severini Synopf. Chyrurg.  
Willis de Febribus.  
—— de morbis Convulſivis.

Launoij Epistoſe, Fol.

Leonardi Plukenetii Phytographia,  
ſive Stirpium illuſtriorum & minus  
cognitarum Icones Tabulis Aeneis  
ſumma Diligentia Elaborata, Lond.  
1691. Fol.

*Hortus Siccus Pharmaceuticus :*  
Or, a Phyſick Garden of Medicinal  
Herbs. Wherein is Contained a  
Curious Collection of *Real Plants*,  
being of ſuch *Trees, Shrubs* and  
*Herbs*, both Native and Foreign,  
as are moſt frequently preſcribed  
by the Learned Colledge of *Phyſi-*  
*cians,*

*cians*, and daily used in the *Apothecaries* Shops. With an Account (affixed to each Plant) of their *Names*, *Places* and *Times* of Flourishing; as also what *Parts* and *Preparations* of each Plant are most in use.

Curiosities in Chymistry: Being New Experiments and Observations concerning the Principles of Natural Bodies.

C. Nepos, Horatius, Virgilius, Terentius, & Phaed. Fab. in usum Delphini, Octavo.



